

浦江縣志

卷九

政事 文苑

義行 隱逸

方技 流寓

510200
39
39

直參

浦江縣志卷九

志人物第四

政事

古今言勳業者德為本才以濟之而又在各當其才
疏附之臣用之奔奏而不足銓衡之任憂憂乎難哉
然約而言之大都浮華者邀虛譽惘惘者懋實功浦
邑士習淳龐一登仕版類能出其心腹腎腸以輔佐
巖廊膏澤黎庶雖建豎不相同其為楨榦之材一而
已矣志政事

楊璇

張敦

蔣邵

傅柔

浦江縣志

卷之九

政事

劉英

黃子先附

方資

方揚遠方鑄方洙附

吳傅

傅勇

黃仁環

方果

方梁方策附

石範

石籌附

張祚

吳渭

吳幼敏附

傅子桂

趙大訥

陳遠大

陳士元附

金德潤

金定附

鄭銖

張坦

鄭渙

鄭桐鄭柎附

宣岳

宣彥高附

蔣鏞

張鋼

張子玉附

傅瑛

王勲

鄭湜

王應

王溫附

黃道斌

黃以禮附

鄭子祥

黃嗣安

費斗南

王聰

傅揚善

陳師錫

吳彥珍

潘榮仲吳

思學附

方孟昇

張拱辰

鄭洪

鄭沂

方圓

鄭榦

鄭漢附

鄭機



趙景伯

方悅

鄭熾

吳文彬

洪澤

洪葑附

石應雷

鄭璽

鄭宗錦

鄭崇憲附

陳玉

張繹

張元敬

趙玉

鄭崇岳

倪尙忠

張應化

樓一堂

黃東啓

方應運

金德義

方大任

張一琳

張應麟

張應棟

張一楨

張德驥

倪仁禎

張一兆

戴夢熊

張以瑀

朱興燕

戴望嶧

吳鳳來張守棠

戴聰

聘掄元附

朱能作張景青

補遺

毛洪張夢弼于森沈文金漢鼎

漢

浦江縣志

卷之九

政事

二

楊璇字機平交州刺史扶之子喬之弟也璇初舉孝廉
 靈帝時爲零陵太守是時蒼梧桂陽猾賊相聚攻郡
 縣賊眾多而璇力弱吏人憂恐璇乃特制馬車數十
 乘以排囊盛石灰以車上繫布索於馬尾又爲兵車
 專設弓弩尅期會戰乃令馬車居前順風鼓灰賊不
 得視因以火燒布然馬驚奔突賊陣因使後車弓弩
 亂發鉦鼓鳴震羣盜波駭破散追逐傷斬無數梟其
 渠帥郡境以清荊州刺史趙凱誣奏璇實非身破賊
 而妄有其功璇與相章奏凱有黨助遂檻車徵璇防
 禁嚴密無繇自訟乃噬臂出血書衣爲章具陳破賊

形勢又言凱所誣狀潛令親屬詣闕通之詔書原璇
議郎凱反受誣人之罪璇三遷爲渤海太守所在有
異政以事免後尙書令張溫特表薦之徵拜尙書僕
射以病乞骸骨卒於家

張敦字伯仁縣人爲諸暨令海寇二百餘人剽鹵爲患
悉平之轉重泉令民悅其化遷車騎大將軍

隋

蔣邵字景倩縣人爲益陽令遷洪撫二州刺史攘虎却
蝗民蒙其惠轉交州刺史

傅柔字仲席縣人爲宣城令無爲而治謳謠載路遷鄂

浦江縣志

卷之九

政事

三

州刺史

五代

劉英縣人五代時爲吳越尙書又有黃子先者亦仕吳
越爲統軍使皆以治能名

宋

方資字逢源其先出唐元英處士干干曾孫傅始自睦
來遷浦陽傅生招招生文遇文遇生資資生而忠孝
鯁介有異才凡天人禮樂律歷兵刑名物象數之屬
無所不究好爲古文詞登嘉祐八年進士第與眉山
蘇軾轍同榜皆爲歐陽文忠公所器重授長洲知州

轉屯田員外郎遷甯國觀察使轉知秦州徐州陞江
淮鹽鐵使廉節自持政聲日著入爲天章閣待制翰
林學士知制誥加戶部侍郎卽擢禮部尙書出鎮江
東安撫使上御書飛白賜之曰清節素風之家以論
新法忤王安石出知真州未上賜死後新法不便於
民上甚悔之因改御葬仙華山下之登高口追贈金
紫光祿大夫封少師高平郡伯子揚遠字遐舉中元
祐三年進士授秘書正字遷大理寺丞刑獄多所平
反出爲河北轉運使上念其可當北門鎖鑰以兵部
尙書賜節出鎮大名府屢詔寵諭之封同安郡開國

男食邑五百戶贈大中大夫揚遠生鑄字世範學裕
經綸操持貞介名聞於朝以其爲資揚遠之裔授秀
州通判轉知福清州考最除太常博士遷秘書閣少
監致仕贈奉直大夫鑄生洙字宗魯授江山簿轉新
昌丞民謳載道改知甯德縣陞浙江提刑司幹歷守
梅新二州一作府政肅刑清治聲丕著自資至洙四世
大夫皆以政事顯家學淵源後先輝映君子以爲無
忝於清節素風焉

吳傅字清叟縣之通化人傅自少無所好惟嗜讀書中
宣和三年進士第歷官至監察御史四持憲節廉明

之聲甚著初州縣官遇賜燕有飲至夜分者傳奏不許見燭上從之

傅雱其先世居汴父大理評事瑄始遷浦陽之感德雱多膽畧遇事奮發有爲與李綱宗澤游建炎元年金兵始退黃潛善力主和議自上遣雱爲祈請使雱時階宣義郎乃特遷宣教郎以優異之未行朝論遣重臣以取信改命周望爲通問使李綱爲上言今日之事正當枕戈嘗膽內修外攘使刑政修而中國強則二帝不俟迎請而自歸不然雖冠蓋相望卑辭厚禮終恐無益今所遣使但當奉表兩宮致思慕之意而

已上乃命綱草二帝表付雱以行獻二帝衣各一襲且致書於粘罕雱與王倫俱留軍久之乃歸官至工部侍郎致仕時高宗賜以詩曰袖手長材世路輕愛閒那肯鸞榮名挂冠便欲辭丹闕策杖還歸老赤城適意不論三仕喜傳家惟有十分清林間佳趣真情退好向廉泉自濯纓後優游鄉里以終老焉

黃仁環縣之上洛人以武悍爲閭里雄方臘起睦州往往曹聚從賊仁環以能自歸得官投沿邊差遣建炎元年山賊何三五作亂仁環呼諸子謂曰吾愛國恩恨無以爲報誓當以計擒賊乃與唐子容謀僞與賊

合賊信不疑仁環謂其酋曰今欲破縣兩主首俱行
誰守洞汝等畱此吾先破陣於是引眾鼓而東行十
餘里至朱村分路口將覆賊乃詭分兩道出攻虛整
部伍密令子容等各插竹葉爲標識與賊兩兩相夾
部分既定仁環大呼曰轉陣殺賊子容奮兵夾擊賊
千餘人得脫者無數輩諸酋畱者仁環令諸子享於
家酒酣用斧自後斫殺之初仁環有女嫁賊黨中或
曰公報國固善如愛女河仁環曰吾恐事不就一女
何惜至是竟爲所戮仁環官至訓武郎縣人感其德
立祠祀之宋濂作浦陽人物記錄仁環政事篇中論
曰仁環區區一劍之雄耳然當賊氛正銳使無人急
挫其鋒則數萬生靈血汚荒原矣其利於民亦溥哉
方果字叔毅洙族子也隆興癸未進士授臨安通判加
朝散大夫掌臨安國稅絲毫不苟取白叟黃童莫不
誦德與從兄山陽尉梁並有政聲尋解綬歸惟擁圖
書自適日與高人雅士觴吟怡年頗有趙清獻遺風
焉孫策字名父淳祐丁未進士性篤孝常曰與其食
於朝以事君吾甯食於家以奉親也且予家世享清
節素風之襲而吾必食祿哉遂侍二親終老不復仕
進

石範字宗卿其先繇青社來徙浦陽家素貴盛其大母杜氏有賢行以女歸寒士鄭剛中剛中後爲名臣人服其先見範天資穎茂從呂祖謙游講索殊精切中紹熙元年進士第調奉化尉歲饑貧民將爲變範賑之不誅一夫而定海寇爲害範設計捕之改知麗水縣以丁母憂去遷知婺源縣縣有月椿錢二萬皆取之民民患之範建議請蠲其十之二俄權通判袁州峒獠弄兵衡潭贛吉四州被禍尤酷袁當其衝人情凜凜範攝州事練軍旅閱民兵廣儲蓄博訪守禦之策威聲甚震峒獠不敢近轉通判泉州兼南外宗正丞卒年六十有六範守正不撓或勸其謁權貴人美官可立至範謝曰吾儒者改官爲縣亦固當耳何以僥倖爲卒不詣士論多之弟籌亦能文中嘉定十三年進士第官至吉州司理子武戩戩

張祚字叔元初居東陽白鹿山幼尙氣節散資財結賓

客士多樂爲之用淳祐間仕承信郎任浙江安撫司

提鎮督兵鎮浦陽團練果毅保障一方

方鳳贈詩云越東佳氣鬱

龍嶽捉鼻馨名久識公結髮蚤看翔藝苑濡毫頻見屬詩筒棄書忽學萬人敵秉鉞尤誇一世雄拔距三千堪敵佩歌鐘二入陋和戎長驅誓擣燕幽北大纛旋移浦汭東重鞏河山襄帝力時垂竹帛勵臣忠東南半壁騰王氣杞梓全材恃將功鵝鴨幾驚消玉壘熊羆屢奮壯金墉璽書褒賜恩原厚節鉞招綬德愈

隆羣策更能延俊彥眾謳先已徧旌童
深仁共頌絲瓜厖偉績還期勒華嵩
歲久軍民胥
安臂指相應有家人父子之意遂卜龍溪之側家焉
子祐森祐仕進義校尉森暨子恕思孫端臣虎臣稷
臣鼎臣凡三世七人舉明經

吳渭字清翁幼穎異篤學以錢塘吳瞻薦入補將仕郎
景炎丙子攝浦江尉兼護邑符時寇攘蠶午所在民
多棄家竄渭乃謁學行釋奠禮從容如平時於是人
有固志冬移尹義烏理焚遏暴有能聲明年構公宇
新民瞻眡贍士田租積欺弊無半入渭搜抉悉還其
故又明年宋亡渭不樂仕進解組歸托情於詩酒築

亭山閒扁所居曰潛齋賓至出聲伎相娛樂剏月泉
吟社分題賦詩嘗用范石湖故事以春日田園雜興
爲題告天下文士詞章蝟集乃偕謝翱方鳳吳思齊
相與甲乙品隲計收卷共二千七百二十五取中二
百八十刻詩六十名而以羅公福爲第一揭榜賣賞
有差其從子直方輩嘗哀其盟誓考評之辭畀人或
以右軍蘭亭濫公耆英相擬云子幼敏字功甫宋亞
榜進士痛其父卒時構居未竟遂衰經成室扶父柩
厝焉已教授溫州歸顏其居曰止所名士大夫鄉先
生多處其家旣卒交遊會葬數十百人率一時名流

傅子桂以國子生授天台簿轉石門令歷襄陽通判尋以功陞知本府時元方圖襄陽子桂力修守戰之具安撫呂文德貳於朝忌之欲危以法嘆曰手足已爲人縛有奇安施遂挂冠歸日望天慟哭而已所著有孝友菴集秋巖集

元

趙大訥一名良勝字敬叔周恭肅王元儼之十世孫也起家譯曹掾調泉州錄事大盜起甯都泉之無賴子嘯眾應之遂謀來攻城大訥作柵以禦其衝盜爲引去遷興化錄事轉龍溪尹俗尙鬼壘石作祠以奉紫

衣神黠民將爲奸利必牲犬以祭大訥投神江中移石以修孔子廟廷縣多山畬峒獠官稍侵之輒弄兵暴掠至煩大將出屯經年不解大訥調禦得其術服從如良民邑大姓怙勢殺人郡守受其財出之大訥抱案詣府歷指其奸守怒陰中以他罪大訥畧無所懼改永春以丁父憂去復改侯官未終喪不赴俄遷永嘉永嘉計口賦鹽民以爲病大訥建請令富商轉售之瑞安猾吏僞爲官書誣平民盜販民自殺者三人府下大訥訊之大訥徙之臨汀州城枕大江水暴岸善崩大訥列植巨木先以萁芒殺浪勢然後實土

以石瑩之岸凡數千尺得不壞除温台等處海運千
戶遭母喪改知永新州州民素豪勢出守吏上聞大
訥至皆畏服不敢吐氣民以死狀聞官去按之卒吏
十餘人從行民皆逃匿數里無烟火大訥與一二吏
出田里晏然鵠湖羅陂皆羣盜淵藪時出爲過客患
大訥用奇計翦其渠魁餘黨奔散鄉飲酒之禮久廢
大訥講而行之賓主就位獻酬有節揖拜有容觀者
歎悅在官二年告老解印綬而歸時至正八年夏六
月也大訥性剛直不憚大吏屢典劇縣皆有能聲卒
胥無敢出鄉宿猾元豪亦相告遠遁數平反冤獄民
侯也其爲人愛慕如此

陳遠大字宏父其先自彭城徙縣之德政遠大復徙居

興賢鄉少治經通尙書大義下筆無畱思然好佃儻
之畫慨然欲有所爲會邑里初附山谷獷盜猶蟻聚
負固弄兵遠大遂釋儒服從軍建購捕方畧執其凶
渠餘孽悉平幕府上其功隨計至京得試原州路施
容州判官未上而隣土有警郡復檄至麾下資其智
勇多所俘獲再以狀薦改全州路清湘縣丞清湘介
湖北窮徼谿蠻峒獠錯居其壤山有毒蛇儲爲蠱以

中人立死而獄多蔓辭遠大曰戕人以售其妖猶可少貸之乎乃悉論寘於法撤淫祠魔菴數十區取其材葺新學宮曰此教基也庶幾使民知所以教時方有事交趾全當孔道餽餉所出他官屬或畏難遁去徵發調送郡獨倚遠大以辦在任八年稍進贛州路信豐縣尹贛有廢縣龍南居獠中而以其地隸信豐南安萬戶府僑處其縣分卒六屯使耕龍南曠土自食久之招納亡命橐籥姦私民甚患之遠大列上其事請復置縣徙其軍遠大累官嶺南閒風淫露毒積受戕賊泊轉温州平陽州判官而腰腳已痺弱不良於行因以老自免歸里題其晏坐之室曰達觀婆娑其中越十二年而卒子士元梧州路儒學正士貞別有傳

金德潤字君澤五世祖碩德自彭城遷浦江父定雅好

施貸不償則并券棄之程鉅夫爲銘其墓德潤少有
大志不屑事耕稼年二十餘遠遊湖南入憲府學書
獄廬擊爲部使者每見人散後惟德潤危坐木榻緝
案牘不休錄其勤選補府書吏久之遷湖北贊使發
姦伏聲達行中書辟理問所以年勞及格授台州路
錄事判官豪卒質人珠人贖焉卒意將乾沒之給曰

歸汝矣訟於官德潤去卒中跪於庭使人持巾謂卒妻曰汝夫令索珠恐不信持此爲驗妻視之果夫巾也啓櫬還之卒大慚服薛記擊陳源死行賊上下以勢扼諸孤亟藁葬其屍寃莫能雪德潤白發之歷二年屍僵如生抵薛於辟辟浙東道宣尉司令史考滿擢平江路總管府知事尋轉常州路宜興州判官新學宮築社稷壇壝駕長橋民利賴之州多盜德潤察其尤囂狡者鈇左右趾役於官三年之間外戶不閉建文會以激攻科目者請名進士第其高下勵之去日民爲立碑改嘉興路總管府推官屬歲大水禾不

登道殪相望壯者羣詣富人貸粟弗從竟囊而奔縣州坐以彈斂案且具德潤原情悉傳以輕典脫死者六百人已以足病乞休以奉議大夫紹興路總管府治申致仕德潤忠靖而慤勤入吏時操觚或不能成字後解屬文詠詩議論出入經史以性褊急撫古之有容德者類爲編曰紀忍之書趙孟頫虞集皆深有取焉生平視貨泉如土稜惟愛聚書多至七千卷居家謹禮度涖官清心寡欲祿或不給取諸家以繼用惡豪強之爲蠹極力鋤剗所至皆屏跡人呼爲健吏

鄭銖字彥平文厚子自幼失怙恃鞠於世母周氏事之
孝長善廢著之術家以大穰嘗與兄欽營田建嘉禮
莊出遊京師秉政脫脫道濟見而器之奏爲宣政院
照磨職統浮屠氏事浮屠以幣交者絕弗通浙江行
省右丞相朶兒只方領院事察知其廉命持檄行浙
東西仍一毫無所取轉松江等處稻田提領所大使
嘉定華亭上海之交有田數十頃旣隸所中而都水
使者泊江淮財賦府復重賦之民困甚銖爲聞於朝
免之先是徵民無藝歲有羨糧以斛計者萬餘上下
共利之銖至命給以還民計種家口數分之望門拜
印綬歸未幾亦病卒

張坦初授莆田主簿練習民兵計殲劇賊累遷至福建
廉訪副使

鄭渙字仲釋剛果有爲元季寇興院判謝國璽辟署浦
江縣簿以才能稱未幾解職還家以公平制鄉里不
使豪強病民有爭訟則論以理而與酒和解之人皆
欣服子桐字叔成以御史劉辰薦累官滁州通判階

徵仕郎奉公廉謹爲同僚所推敬州當衝要牒訴繁劇能躬勤治理考稱善最後督運木植至穎暴病卒於馬上次子柎字叔鄂命爲弟瀛仲容後瀛早世柎與妻許氏奉養母黃氏惟謹黃沒執喪三年及居所生父母喪亦行三年禮人以爲孝柎受業陳剛貫穿經史尤喜吟詩與諸兄弟觴咏怡然如遊春風中自號怡怡子以子熤貴封承直郎詹事府丞

宣岳字彥昭少與宋濂鄭濤同受業於吳萊平生無他嗜好惟購書不知休或請脫衣巾以償亦不靳以知

印行宣政院

冥萊送彥昭北赴京師詩云去年春風來我已送子兄今年春風來我復送子

浦江縣志

卷之九

政事

十四

行大江多波浪雨雪寒路程老河貫梁楚汴泗割濁清梁山滙爲濼荷藕欲抽莖漳流直達海葭菼葬縱橫飲饌去鄉異市逢寒食錫游從到處濶騎聽上林鶯帝都示四方賓客聚百城白獸耀戟殿紅鸞擁旌旗乍見須璧馬再談遽公卿終然鳳鶴集恥作鰕蟹并况子昔我學自期可俊英平時撫硯匣盡夜對燈檠古今更成敗舉舌卽深評北南幾水陸肆意勿遐征子兄特精幹胸次有甲兵被服抗俠窟躋攀接侯鯖笑披鷹鶴論條統手所擊錯金琵琶槽絃索發奇聲二難苟若此何地不鏗轟貢生彈冠侍王粲倒屣迎上書合自珍趣召使眾驚尙期施展間歸作閭巷榮嗟吾久抱疾望子但目瞠因之念吾兄遲子謁國鬻吾兒早失學所至類孩嬰幸令得好友庶免謚愚氓前園川海堂紫蔓亂垂纓起揮雙玉壺暢此孤劒情當知子願欲本不慕肥輕行哉自此遠谷日吾躬耕年勞入選擢承事郎温

州路平陽州判官極勵清白所需物必取給於家吏隸畏其不容每去而更他業儒生有百畝之園爲世

家所侵屢訴有司輒緣厚賂不決岳立斷還之儒生
函金以謝岳叱曰顧法當爾吾豈私汝耶後十日儒
生畫菜一本裝潢成幃入謝曰判官清苦敢以一菜
爲獻岳曰是雖微物終有私意存遂題識而歸之天
大雨民與軍爭登各曰我物絕無証左者岳命裂爲
二並驅去使隸卒踵其後軍忿譟不已民曰汝自失
簷於我何損耶隸卒以聞岳杖民令買簷償軍尋轉
本路總管府判官會大俠起東海來攻城戍將問計
於岳岳曰此烏合之眾耳宜率精銳大開城門擣退
之如言寇果敗北自是屢戰屢捷戍將氣驕頗易之
浦江縣志

卷之九

政事

五

寇乘隙入城戍將被擒而岳亦受縛瞑目罵曰天子
何負於汝乃構亂耶寇怒欲兵之民翼蔽其背泣曰
甯殺我毋殺我判官寇義之而止得閒夜縋城出請
兵於方岳連帥欲爲殄滅之計無有聽之者岳知時
事不可爲歸卧孫井山中已而元亡明祖詔起江南
文學之士而岳與焉將官之辭疾還故山岳有兄字
彥高風流醞藉爲多士之冠岳與共論上下二千年
治亂太息閒操觚成詩酬答不已襟懷冲曠外物若
無能擾之會婚家乾沒里氓里氓搥登聞鼓訴冤誣
岳關通州縣以致事不直岳實不與聞也逮至刑部

抗辭辨吏怒下獄幽之岳憤憤無所洩不食三日死
年六十

明

蔣鏞字可大其先世德邵爲洪撫交三州刺史宋南渡
有名廷俊者鏞七世祖也子五人皆登仕版鏞豪縱
不羈喜結賓客元季兵擾以七子有奮身之勇集鄉
人保聚嵩山境內怙之居室雞犬悉無恙如平時明
祖下婺抵蘭谿卽以檄召赴軍轅惜其年日卿老矣
大將樞密院僉院胡大海薦之俾禦突寇常昌軍於
義烏大破之以功陞授浦江翼右副元帥分閩事以
琮瑛瑤瑛瑑瑒瑛歸瑛襲其職

浦江縣志

卷之九

政事

六

治浦軍肅民安明年移鎮諸暨與樞密院判官爲裨
將再明年告老休養田廬閒又十年而卒七子曰璋
璋瑛瑤瑛瑑瑒瑛歸瑛襲其職
張綱字均茂祖夢龍湖州儒學正父一甯以公平見稱
鄉里綱個儻負氣喜交賢士尤與戴良善明兵下婺
州薦授錄事司錄事多所設施尋退歸田里鄉隣爭
訟者折以片言皆驩解而退洪武中以非罪逮赴京
師子子玉侍行請代詣理俄以恩宥得釋子玉戴良
高第也洪武丁丑詔選間右任用擢拜湖廣布政使
司左參政漚政寬平守職廉謹未幾卒於官

傅瑛字彥良元末補郡庠生未仕明太祖定鼎金陵辛亥詔天下鄉試乃出應登浙江賢書授泗州同知上加意湯沐之邦倅職盡簡賢科居官數載以廉能稱職方擬擢用適工部有事於河上曰瑛才可任進級襄陽府丞董河務疾作卒於官

王勲

府志作慶

字思義義門子偉子也能循禮守法且工詩

賦洪武初召對嘉其才與鄭濟同擢春坊庶子職居右侍講東宮多所獻替纂古名臣言行錄以進帝賜勅曰春坊官所以開誠心布公道秩雖不崇而地則清要也以啟以沃爾其欽之其隆重如此勲精於河洛之學著有圖書八卷藏於家

浦江縣志

卷之九

政事

七

鄭湜字仲持魁偉宏度見義必趨洪武十四年奸人誣告其家以交通賊臣事罪叵測湜毅然就逮不以累諸兄至京長兄濂相遇欲任之二人爭往就獄太祖聞而義之召二人至殿前勞勉卽赦其罪詔擢湜布政司參政吏部奏參政無缺員特命增設參議之官以湜爲福建布政司左參議階中順大夫命舉所知五人皆以參議乘傳致官至卽去貪吏革弊政有帶獄積年不決者立剖之吏民熟其家聲相戒無犯南靖縣民爲亂誣誤者數千百人部曲多掠其婦女爲

奴湜皆言於諸將縱遣去兵不敢譁有商二人劇盜殺其一而取其財其一人得脫訴於官捕盜在獄驗屍無有不肯承湜夜取盜鞫訊因縛置於庭匿吏案下俾聽其語夜半盜顧空庭無人果私語始知其沈屍井中明日詰盜以沈屍處盜驚伏聞人神其政居一歲入覲卒於京

王應字思正深溪王澄之長孫也敦厚周慎佐父覺以禮齊家以義聚食防範有條訓飭有規羣從悅服洪武中薦授廣東布政使司左參議時盜發南海官軍不能平應率義旅以蛋船爲聲援入其巢穴擒渠魁殲之餘黨悉平俄以外艱去職服除轉河南參議未幾卒子溫循禮好學爲文章喜學胡翰手抄其集鏤版傳世

黃道斌字叔厚裳六世孫也其父行有名以禮字儀可者洪武庚申以賢人君子應召擢廣東按察司僉事能聲著稱道斌繇國子生任刑部司門主事雪冤理枉獄無滯囚尋分理鳳陽太平二府政蹟藹然時屯田夫多死亡寡婦無所依道斌奏請悉聽還鄉人感其德有祀其像於家者

鄭子祥義門疏族也恭謹向學嘗爲義門義塾師洪武

中薦授知縣守職廉平畏慎自持或賂以賄毅然却
曰吾爲義門族豈以簠簋不飭而玷吾宗乎君子稱
之

黃嗣安字仲行洪武中以孝廉舉任安東知縣除黠吏
以安民舉賢才以爲國用入覲銓選居天下第七授
承直郎賜以勅書俾陪祀圓邱尋卒於官

費斗南北隅人英邁有大志洪武二十五年詔天下郡
縣選用老成練治體者有司上其名太祖適是夜夢
南極詰朝斗南至以名與夢協大喜當授御前觀察
使應對敏捷一日羣臣退上獨留斗南侍從容問曰

卿起自山中山中有何好輒對曰起遲卧得早啼鳥
兩三聲落花任風掃又問曰山中有何惡輒對曰秋
風動林壑鴻雁兩三行遍逕盡消索上益知其非常
人命處之方岳廷臣對無闕員卽命增設右布政時
廣西連年荒歉民以猺獞煽亂上謂斗南曰絕徼之
地調度兵食敷宣德意非卿不可命爲廣西左布政
尙書劉文謙奏一介布衣驟進大位恐有不堪卽宣
還問曰卿政何者爲先對曰臣無他能提督府縣總
領大綱承流宣化而已上益喜謂稱任使仍賜袍帶
楮幣輿馬遣之比之官夙夜虔共詢民利病郡邑承

風軍民樂業繼之興學校隆師儒俾荒裔之地耳目一新卒於官上聞爲傷悼焉

王聰字思明洪武中郡邑以明經聞上親試之特授通政司左通政居官十有一載事符聖斷者百餘條降詔褒之稱其氣剛正而才宏博故能揚一人之休美達萬姓之不平云

傅揚善字大有少年力學具經濟才洪武丁丑春詔天下郡邑選用明經練達治體者有司以揚善應廷試稱旨授湖廣漢陽知府至任逐師巫毀淫祠鞭撲不施而事治靖難時謀倡義事洩謫雷州海康知縣漢

陽士庶思慕不忘詣闕上疏借畱上命復守漢陽五年適歲祲漢邑俱患蝗揚善作文移城社蝗皆飛入漢江化爲魚蝦人至今稱異云後引年歸民立祠祀之所著有安素集詩文若干卷

陳師錫縣人業精壁經旁通百氏明初推署學事未幾薦南鄭知縣敲撲不施民安事治丁內艱起博平適歲祲大疫鄰里不敢通訊師錫躬製藥劑遣人徧視境內給之全活萬計以才優調靈邱太行羣盜抄掠設爲保甲隊伍多方緝勦民始安堵朝廷遣使資金幣勞之以旌異

吳彥珍以才行稱洪武中繇閩右舉擢四川布政司左
布政寬平簡易軍民懷之罷歸復召永樂間以年老
勅賜致仕子思學孝行純篤知名於時時與彥珍同
由閩右舉者有潘榮仲任建昌太守以廉能稱

方孟昇字東吾鳳元孫也博通經籍練達治理學務明
體適用與方圓同學於蘇伯衡伯衡學於吳萊柳貫
吳柳學於鳳家學淵源蓋有自矣洪武三十年徵辟
博學宏材授中奉大夫江西左布政使廉謹清白被
讒左除昆陽知州育士愛民政聲益著永樂初遷吉
安知府復陞江西左布政秩滿士民德之攀轅不忍
浦江縣志 卷之九 政事 三
舍去遂家焉

張拱辰孟兼從弟也偉材碩德爲時所推與從兄孟兼
讀書白石山房棲迹煙霞探竒二酉洪武中詔舉閩
右與吳彥珍輩先後詣京師擢爲廣西布政宣布德
化紀綱丕振永樂時改福建布政所至皆有膏雨之
頌焉

鄭洪字仲纖欽次子有智畧應變如轉丸岐陽王駐兵
嚴陵令參謀軍事王入朝薦除侍禮郎累官內藏庫
提點以累死

鄭沂字仲與銖次子性通敏洪武丙子朝廷更新庶政

選材閩右輔翊治化沂應召赴京特擢禮部尙書階
資善大夫沂自以布衣致仕列卿夙夜勤勞盡心報
國上念其誠篤嘗嘉獎之已而大行賓天奸臣擅政
遂解組還家永樂元年入朝留爲故官尋以年老謝
歸田里未幾上北巡召起還輔翼太子駕還仍賜歸
老以高壽終

方圓字伯規讀書敦行永樂初舉知鞏昌南甯兩府陞
苑馬卿歷官四十五年皆卓有政聲著有南湖集

鄭榦字叔恭滉兄漢仲昭子也漢才優識精溫恭寬裕
處事恒中平理眾敬服之榦受學臨川陳剛剛奇其

才堪任風紀永樂初薦擢湖廣道監察御史尋被旨
宣撫廣東民以取珠爲苦至卽奏罷甲午年已七十
一矣值帝北征回進五言詩帝嘆曰可謂滿朝詩伯
第一榦因告歸帝許之賜宴於禮部畀以金繡衣問
誰可代者榦舉從子燧御筆卽除御史義門傳爲盛
事

鄭機字叔慎敏學勤事永樂中以賢良薦召試吏部授
文林郎湖廣漢川知縣轉廣東仁化知縣蠻寇爲亂
朝廷遣兵捕之機召父老用計擒渠魁白於主帥兵
不擾而民安時論稱之

趙景伯字用仁大訥後也父瑞五旬甫舉景伯及弟景曾家故貧兄弟自爲師友博通子史尤深於禮舉鄉選以親老弗上後父母相繼卒廬墓三載服闋投普甯尹有惠政又以生母憂去補鍾祥尹祥故世廟潛龍地守陵中貴強橫令長恒屈膝事之景伯毅然不爲折腰中貴亦憚其廉明不能屈旣以無子告歸士民皆遮道留之及歸鬻城南地一區與族眾創建祠宇惟以詩書自娛邑大夫罕得見其面者

方悅字時習十四都人受業章楓山懋研究師說篤志力行盛暑涸寒不少懈楓山嘗稱曰篤實心地刻苦

工夫吾於方子見之以選貢投維摩州吏目道學自任不以官卑少詘當道咸優禮焉委署新化州荒裔椎髻裸跣禮文闕畧悅爲建鄉較置餼廩選民俊秀授以孝經論語禮書親爲講解教之束髮頂冠復作歌俾民誦習以別男女敘兄弟弭盜賊不數月竟成衣冠文物之俗焉

鄭熾字允用榦從姪也適榦引年乞歸成祖令舉子弟之良者以自代榦乃以熾居家孝友處事公勤對遂授熾監察御史仁宗卽位妙簡儒碩輔導東宮擢陞詹事府丞繼事宣宗勳績益懋轉陞大理寺左丞歷

事四朝二十餘年小心謹慎寵渥尤至

吳文彬邑人以貢歷官同知三任皆有異政初任魯山令歲饑百姓流亡教民取蕨爲粉作粢飪以療饑荒鄰邑效之全活以數萬計民爲建祠

洪澤字宗潤宋忠宣皓子遵之裔孫以能吏歷事京師嘗以計活人久之授丹陽主簿遷建安簿咸著善政奏減建安民稅邑人懷之從兄蒞字廷輝事母盡孝火延居室赴火抱母獲免爲縉紳所稱

石應雷字雲中膂力絕羣弓挽十石射穿七札人稱爲石千斤應募投狼山把總擒大盜翁元飛等功補南

贛中軍守備轉貴州都司援滇多戰績陞保定參將調備宣府倚山設險屢著奇功陞薊鎮團練總兵官都督同知未任卒

鄭璽字仕信以貢授湖廣安化令地瘠民澆多逋賦璽招流移者復業開墾而蠲其役興學校剪強暴修舉廢墜邑以大治有鄧紹祖者殺人行賂他令莫能決璽廉知其沈屍水底竟置於法未幾以母憂去服除改任江西上猶政聲一如治安化時疾卒於官民甚惜之

鄭宗錦字世章爲石阡司理清介自好毫不苟取日以

孝友訓其民比歸家徒四壁爲鄉塾師以給朝夕邑侯多憐其貧捐錫以贈亦不受從子崇憲爲清江丞清操克紹其風

陳玉以歲薦授雲南曲靖府通判端樸強毅有綜理才遇苗亂委總數邑事饋禦咸取給焉民賴以安尋乞歸筭閒敝衣圖書數事而已卒年九十有一能詩著有後溪集

張繹字悅之正德閒任廣東新甯教諭師道嚴肅值土賊作耗城孤懸官民惶懼繹奉太守檄單騎造賊營開諭禍福賊解仍命將兵征閩海倭招撫夷民所活

甚眾當道特薦其能而繹感嵐瘴卒民立祠祀之

張元敬字伯輿東隅人好學能文嘉靖辛酉中鄉試除

武甯令武甯黠胥善舞文積案滯獄往往長吏不得

問元敬剖決立盡置老黠數輩於法皆錯愕不敢犯

邑賦役久困元敬單騎周行度之以都分界以號分

都賦壤以定邑民胡三益妻方有殊色巨豪趙猷逼

之且死猷懼行千金爲居閒元敬不顧卒抵於法復

捐俸五十緡表方墓劇盜王繇貴爲亂兵道石委巡

檢楊洵捕之不得妄以良民張良恭報元敬趨往謁

石爲白其誣石先入洵言意忤遂拂袖起曰殺人媚

人吾不忍爲也竟解組歸

趙玉邑人以貢任曲靖經歷撫苗民釋疑獄政有令聲
居家父病危篤禱以身代疾遂愈人以爲孝感

鄭崇岳字克生義門綺之裔幼穎異讀書過目不忘九
歲母患瘍晝夜號泣跪牀簣間撫摩膝爲生舐萬歷
戊子舉於鄉除蕭山教諭捐俸葺宮牆課諸士風教
大振癸卯分試閩闈拔十人悉名士陞順天東安令
地附畿內賦役繁重吏緣作奸多弊政崇岳悉爲釐
革裁額外之賦數千金平治邑產之爲巨鎗勳戚所
攘者民遂安堵會歲大水游飢崇岳設法賑濟全活

無算秩滿考最議授刑部主事歷南北二曹皆有殊
績陞貴州思南知府時播孽爲亂逆舍乘閒竊發郡
有奸人圖爲之應崇岳廉知用計擒舍播孽氣奪先
後三寇三挫其鋒令全黔屹然無恙思南爲之障也
叙績陞雲南副使議留監軍旋以計事不合告歸日
集子弟講習禮法修飭祭器及輯宗譜聖恩錄家儀
等書年踰八十臨卒惟諭族人輸公賦守家法言不
及私入祀黔中名宦郡邑鄉賢

倪尙忠字世卿萬歷戊戌進士授廣東順德令誠心愛
民不務名法繩督粵南故多盜大辟以下恆薄懲曉

諭再三使之去或以爲言尙忠曰彼亦人耳使其能
改何過督爲乃著宣化錄以勸勵之順德下邑科第
素寡尙忠日進諸生教以文藝取資敏者拔之嗣是
登春秋二榜者不絕躋顯仕者前後得黃士俊黃儒
炳二宗伯而士俊且由殿撰人因比之蜀文翁云萬
厯中朝廷設採珠廠閩使橫甚甲手員役一日銀鐺
數下當者家立破尙忠下令邑中見有珠廠勾役縛
以訊杖而禁之有傾及孝廉某者執而置之獄閩怒
欲以疏劾眾懼禍不測咸諫止之嘆曰吾令一邑不
能爲一邑驅豺虎吾罪當更甚矣力言於制按二院
得奏罷採遷吉安府同知會以母老多疾遂致仕歸
邑人追思不已爲祠祀之所著有居雲草鳴籟草醉
吟草宣化錄學製編行於世

張應化字汝誠東隅人幼穎悟嗜學由邑庠貢成均領
應天鄉薦萬厯戊戌除西平令時大祲之餘邑民流
離散亡應化至百方招徠買牛種闢室廬給之稍稍
安輯乃葺黌序集多士倉廩里社以次修舉明年歲
又禱建議請賑不給乃盡出資俸爲粥廠贍飢民親
乘馬冒雪夜行視諸鄉保中所全活無數又明年增
社倉擴共濟莊以備不虞築南北關以固形勢志邑

乘以紀文物凡循撫六載以卓異徵將就道民遮擁不得行旣而聞父憂馳歸哀毀成疾卒

樓一堂字叔宇縣文溪人萬曆癸丑進士除部曹分官水虞主驗聽事故事五庫備上供邊儲者就廳審美材胥賈相蒙楛窳成習至一商動糜大府金十餘萬出入擁蓋具駟驕佚莫爲制一堂榜其弊於衢商恐謀於胥假例進海物數瓶啓之金也斥去急速胥獄得其狀莫不股栗出守瑞州瑞多浮賦上書御史臺議汰以十之八爲考成民以小康因陳征收支解等法報可且檄行江以西十二郡先是高安民鄢堪坐

盜論死因捕獲枯骨於家一堂曰骨已枯何藏之家立召捕骨丞卒詰丞不服以給卒悉其爲盜所買冤狀聞二院才之任四年平反十數事率如郡御史王一鄂亦在籍內得脫羈縲登第後旌異遷本省驛傳副使尋遷大參治山東糧蘇郵轉漕所至有殊聲丙寅總晉臬時魏璫怙勢比周遣中使鎮各邊晉其一也初一堂在虞部璫爲庫少監知一堂名欲援爲重語其黨崔呈秀呈秀係同籍授之意笑謝不敏及邊使至又不爲禮會上壽中使自儼制撫一堂從容語曰親臣有體不得逃引官僚其強立不倚類如此璫

敗遷廣東右布政攝守海使者印盜李之奇數寇海
爲亂定策招其黨鄭芝龍令殺盜自贖芝龍果縛之
奇廷獻僉多其功以積勞發背卒年六十二一堂居
家孝友讀書不與外事凡民有喪未嘗不匍匐救之
也浦山無巨木有重稅奸人妄指中產立盡在虞部
輒言權使宋良翰罷之鄉人碑其事邑門之左尸祝
至今云所著有瑞槐軒集鄉約訓言女則行於世

黃東啟字惟寅應萬曆丁巳歲薦授廣東開建知縣建
界廣西居萬山中民蠻錯處每以小忿仰藥以圖害
東啟至嚴切禁諭風稍戢會歲祲首請發粟賑之捐

鹺舶牛羊諸稅以利民全活甚眾尤精形家言東郭
江水迅急民多溺死者東啟捐俸造橋顏曰毓秀士
民勒石頌之秩滿報最以疾歸輸田若干畝供其家
祠祭祀年八十卒

方應運字朝泰通化西塘人資裔孫也由太學生授桃
源縣丞督撫大臣朱大典梁雲構張國維悉器重之
委攝縣事當流寇告警羽書旁午應運爲經畫設備
寇卽聞風引遁全淮以安當道優其才畧謂之淮屬
干城軍需繁急連年蝗旱民不聊生應運職在督糧
轉輸無愆而於征求中時寓撫卹民亦樂輸恐後兵

旅食足捍圉孔固梁雲構特申薦之桃源河流逼近
數受河患應運爲之濬築合道而患以絕朱大典張
國維又以才薦轉桂林府經歷前後居官廉靜狷介
政聲著於淮甸君子以爲無媿於其先世云

金德義字行之其先爲義烏人祖李耽浦山川之勝因
家縣之赤橋至德義凡三世德義中萬曆己未進士
除徽州婺源縣令爲政務經術不以急疾苛察爲能
然於法之所當亦無輕貸者婺源處萬山中多盜賊
而復多虎民患之德義募材技教以伏機布穽復申
保甲俾捕虎如捕盜法令下數旬而虎幾盡議治盜

曰除惡務本先廉窩者窩某爲朝大司農女婿捕急
賂當事請寬德義力爭曰賞小罰大令當自貴近始
竟執理盜遂解散自言化俗先在敦行敦行先於士
風著寶婺約言數卷廸之暇則與所拔士結社論文
夜分忘倦又以士子史學不明經濟無術鄉先哲朱
子綱目不可不讀特爲點定刊布秋祭

文廟傷古樂不再根據典制剏興六佾登歌頗得周禮旋
宮之遺刻有樂舞制畧至今婺源樂稱獨最德義力
也歷任三載士民愛信入覲大司農以私揭之遂改

澹齋集

方大任字惟道通化西塘人官大明府開州吏目土瘠民貧蝗大爲患惡少年多相率爲盜開民苦之大任乃條坑埋之法教民捕蝗申請發賑且倡捐俸以卹之活民數萬計流遺者歸哨聚者散有渠魁未獲大任誘致其副悉其出沒狀一旦率民兵直薄其窩賊相顧愕然垂首就縛捷聞開之父老咸焚香道迎去任後立生祠

張一琳字尙聘讀書勇於行誼以太學貢士授光祿署丞轉都運司副使故事商綱歲致公費千金悉釐革

申著爲合理細事條畫內外水三商不相扼而相協官私兩利至今頌之部課四十萬抵天津值逃兵數千擁於水次眾惶懼一琳曰勿畏彼臺營獨知法也吾以法禦之一面報部請衛一面戒嚴旂甲故躬往拜示與無異待檄通鎮移兵乃發部多其才紀錄議薦擢時權在庫監有索不應量陞周府左長史致仕歸慨月泉爲朱呂講學地鞠爲茂草請知縣吳應台共謀振興重建書院課後進復慮其孤峙致圯旁設寺構作忠堂翊之庚辰大禮斗米價五錢首出議賑輸米二百石爲創宗祠未立祭產則爲置腴田百畝

以備孝享所著有家範祀儀適園草花問諸編子德行別有傳

張應麟字汝瑞祖孟暄以理學崇祀鄉賢父元中以鄉進士爲尉氏令有賢聲轉柳州府丞應麟幼穎異常從學金華姜良翰得其傳聲甚藉以歲薦就選天官冢卿覽其文奇之特轉授雷州司李冰檠有聲署海防會有採珠之役與合浦畫水爲界時令踰界者以盜治倏颺風颺廉舶數十艘至當事議誅如法應麟曰風水意外之變非人罪也給糗遺歸所活數百人後雷蚌無珠恐不稱命有言龍斗池有異珠少監逼

應麟泛海視之颺風蕩舟應麟夷坐自若風息登岸知其地爲交州矣歸上其事得罷採應募商船五百艘以喪貲謀爲亂應麟開諭大義復檄沿海部曲設奇制之乃得解散雷人德之謀尸祝大宗伯王宏誨爲紀其事甚悉以染瘴告歸子一明爲廣東布政司理問

張應棟字汝隆東隅人博聞強志持守清峻由邑博士弟子貢成均大司成取冠南雍以兄應槐成進士將勞於王事慮母趙子居缺侍奉亟歸里鍵戶讀書以奉菽水三十年如一日終母喪應選除光祿署正任

大官大官故四署首賓祭其經費視他署獨夥商胥
朋比作奸挾中貴制長吏莫可問應棟按冊清釐歲
省縣官祿米萬餘石薪料數千束上之刊著爲令出
爲邵武判故例糧運守候供費有科應棟悉已之曰
無虧維正足矣案牘之暇與諸生講經課藝士民咸
愛戴焉未幾卒於任

張一楨從楊太史守勤學達於治理任金壇丞明決善
斷積牘爲掃當道才之委攝邑篆革奇羨剋限格民
踴躍輸課積逋悉清諸臺部使者數旌異署考上上
漕卒額外例索增耗一楨往復郡守請減抑如常他

如修水利戢盜賑荒率著勤績時理學朱平涵顧涇
陽諸先生雅重之尋爲仇猾所中調楚藩歸裝惟兩
做橐郡守給艇以濟士民醵金範像伐石紀蹟以爲
莫繼云

張德驥字用德選貢入南雍文章與吳太沖傅巖章正
宸齊名投雲南經歷抵任日談文章諸生多趨受業
當事推重之委署府篆文風爲之一變值土官倡亂
地方震懾德驥單騎往諭竟自帖服滇民以安丁艱
歸遂不復出惟杜門究參元解以悟真參同諸書註
合道德玉始諸經自爲文亦祖莊列有超然御風之

槩臨終置酒邀老友舉觴曰今別矣愧不能神遊無極喉閒香氣清芬差見我養飲滿卒

倪仁禎字心開號株山尙忠子崇禎十年成進士初授太常博士擢禮科給事中彈劾不避權貴巡視中營眾憚其嚴峻莫敢偷縱奉命封藩廣西歸值國變遂家居以老有問夜草皆其居諫垣時疏稿又工書摹古法帖若干卷行於世

國朝

張一兆字萬資號大生幼沈敏好學性至孝弱冠時赴省試主司賞其卷將上之以微累致駁母項氏發憤

浦江縣志

卷之九

政事

三

病卒一兆哀痛不食者累旬旣祥猶毀悴如故以母賁志沒遂絕意進取者數年父應陞撫之曰汝誠孝愛獨不念若父耶趨之赴試順治戊子以明經拔萃考職授甯都縣令到官一以愛民爲務時甯都民多流徙失業一兆曲加勞來勸課種植期年戶口皆復其舊禁革火耗民負糧者不加箠扑咸樂輸焉漕粟費有缺者輒捐俸補之不以課民也先是邑多盜一兆設計誘之皆就撫爲良民境內甯輯前後五載士民懷之遠近建祠祀者數百里不絕初一兆迎養其父在任年餘父思返故里苦留不得一兆日夕思慕

因圖歸計既得閒解組嘆曰吾切於晨昏之戀今得遂矣竟不辭上官疾馳而去上官怒以陰事中之奪職抵家日適父疾篤彌留一兆泣拜牀下父擁其頸不置閱一夕遂瞑得盡視舍之職人以為孝感所致焉既免喪惟杜門課子不問外事治喪儉而有禮服御樸素道路遇者初不知為縉紳先生云

戴夢熊正傑子也襟期洒落才智有餘早歲入成均覃思經籍康熙壬子留監肄業者授州同知丙辰授太原府陽曲縣令出滯獄濟貧民良法不可枚舉以卓薦陞南甯府上思州知州專以挽回風化為務使狡

悍之俗無異文獻之邦上游交薦之授戶部四川司員外郎甫四月陞刑部雲南司郎中戊辰有湖廣夏賊之變奉

命馳驛前往剔匪鋤奸恩威並著賊焰乃熄而生靈以安大憲具題

特授漢陽府銳意澄清力扶元氣辨奸良而勸懲之督墾荒蕪以資生理撫憲以堪勝監司保薦請補為直隸井陘道時

朝議漢陽要地使丞鎮焉守十餘年善政多可紀述引年歸里朝野榮之

張以瑀字次玉世爲縣名族祖靖基父昉齋以積德傳家以瑀生而穎異未成童卽遊庠中康熙丁酉鄉試雍正癸卯登進士第甲辰授都昌縣令昌俗强悍以瑀抑強扶弱恩威並施并署建昌鄱陽星子諸縣皆著政蹟辛亥秩滿內陞中書科中書舍人才八日出知順天府昌平州知州閱五日丁繼母艱服闋授霸州知州時當歲祲運米賑民民得蘇息以議開河道忤上官意解組歸蓋燕之永定河故無定河也其源從山右折而東歷西山蘆溝固安至三角淀直沽口入海而霸之西北適當其衝往時秋漲暴溢議者捐其地盡爲沮洳康熙中始立河隄易今名垂數十年漸成樂土乾隆庚申秋當事者以築隄歲糜庫帑議復開就故道以瑀謂民久安之勢難他徙力爭不從冬大臣巡視審其非便卒如以瑀議然已告歸矣其爲人坦率無城府然性素耿直不肯苟合取容遇事關利害必激切言之不得當不止竟以此坎坷其身旣家居日以文學倡後進邑又多佳山水幅巾杖履選勝登臨泊如也葬父仙華展墓必哭泣訓諸弟琅玕玕皆成立有聞於時子守涵守涓俱庠生

朱興燕字召封鶴鳴子也幼卽岐嶷長益力學甫入庠

卽中雍正丙午榜癸丑登進士乾隆丁巳投雲南通海縣知縣庚申調開化府文山縣壬戌署寶甯己巳知陝西鳳翔府隴州辛未丁艱歸服除以母老請終養焉其在官禁火化之俗正婚姻之禮令開渠以灌注立社倉以賑民接濟則詳買粵鹽捍衛則磚城創建善政之行民生悅服大憲每褒薦之而性情恬退不樂仕進方母服闋有勸之補官者曰古人云知足不辱知止不殆吾守是箴以免於辱且殆可也蓋優游泉石二十餘年而卒彌留時憫邑中寒士與科試者艱於資斧乃遺命捐田五十畝以爲諸生科考路

費其汲引後進之心如此

戴望嶧字鄒山夢熊孫通判文武子也生於兗州官舍一歲而父亡母余授以書卽能聽受就試輒冠軍雍正正乙卯以拔貢入成均乾隆丁卯中鄉試授國子監學正秩滿陞助教與同官張顒齋等唱和不休其課三舍生教條峻整庚辰登會榜卽以邑令用初署澧州安鄉縣印旋授永州甯遠縣未抵任以丁內艱歸服除謁選

簡發雲南署廣通縣及師宗建水兩州篆實授雲南府祿豐縣值緬匪梗化大兵征勦祿豐當孔道軍儲牛馬

供億之需體恤軍民無擾賢勞冠諸邑會有逃軍入境獲之上官將錄其功未幾逸去以註誤解組制軍憐其才令赴軍門効力以圖開復遂馳至金齒檄委催辦軍糧勞頓不支卒於隴川站子如錦邑廩生以哀毀而卒望嶧天性純篤事老母孝謹不衰與兄王徵王祥甚友愛酷好詞賦作詩援筆立就所著有桐峯文稿賦稿紀遊雁聲仙華望雲槐雲湘雲滇南等草

吳鳳來號紫庭吳溪人家貧力學治經尤精於春秋以春秋爲修身治世之書先設身以處其地求其處心

斷以周法而後合眾論以折衷之故其爲文筆力精銳無堅不破登乾隆庚辰進士第自上秋童試至此僅八月邑中傳爲佳話授廣西岑溪知縣陞西隆州調署鬱林象州知州署思恩知府同年畢沅嘗稱其英年氣銳遇事敦尚儒術誠篤不欺在任折獄明慎豪猾潛蹤四民樂業一時稱爲神明因率直罷官旣而主講鄴下

聖駕南巡以接

駕恩復原職歸里著春秋集義六十卷

張守采字賜履城內北隅人拔貢生入都

廷試以縣丞用家居惟以讀書養親爲務乾隆三十二年邑令彭聘主月泉講席士風爲之振起四十一年纂校縣志後選山東淄川縣丞署淄川縣事凡讞訟牒虛心別白曲直和顏婉諭各吐其情欵叩謝悔悟而去上憲重其耆年碩德稱爲先生方擬優擢卽解組歸優游林下者二十餘年壽九十子第官上林知縣有政績

戴聰字惟憲號春塘馬劍人乾隆己酉拔貢嘉慶己未成進士翰林院庶吉士散館改戶部主事旋典試四川簡放盧鳳道陞山西按察使署布政使能以儒術

飾吏事而政治卓然其在戶曹也直省災賑事竣必造花戶名冊多者數百冊少亦數十冊車運至京胥吏資爲利藪任意挑剔有舛錯卽以全部發還更造欲滿則止聰任江南司一二月值淮徐災冊至胥吏照常駁令改造聰執不可令將錯處開清單行文令改其原冊不許發還自是遂爲定議戶部設現審處旗民之交產而致訟者聽焉旗下莊頭多怙勢田主之掌會稽者又庇莊頭聽其指揮而佃戶獨受害每呈詞到部誣諉交至往往行查不結聰任是職主兩藍旗稿多王公大臣缺之最疲難者初到時將未結

案造一簡明清冊計五百餘案其續至者逐日載焉
三年內結新舊案九百餘起咸謂得未曾有也在通
州閱通濟庫冊籍凡運費無專款移支改結交互攙
雜不可猝辨出內者因以爲奸乃設會稽簿條分件
繫瞭如指掌庫吏爲之奪氣署安徽按察使始至牢
獄幾滿兩閱月決遣殆盡比擢任山西以庶獄爲己
任法比精審多所平反及署布政使時奏銷兵糧一
案經部駁十餘年舊案奇零無所措手乃悉心鉤考
得其要領後至者咸奉爲程式後以年老告歸所著
有政學堂詩文鈔農曹隨筆六卷星輶日記二卷則

典試四川時作陪京紀行一卷則讞獄盛京作也弟
聘字莘來性孝友與人交坦白無崖岸由拔貢

朝考一等出爲直隸縣令任龍門九載縣民愛戴之乃
解官囊橐蕭然仍投徒於家人不知其爲宦游歸也
著有燕琴集若干卷子掄元亦以拔貢登賢書爲房
縣知縣燭隱原情勤於審斷在任數月計結案七百
餘起去之日囹圄一空以告養歸

朱能作字雅齋幼穎異年十一赴縣試知縣彭志傑疑
其幼別置能作於三層樓上試之文立就志傑驚異
之欲妻以孫女父婉辭焉入邑庠孜孜力學尤精於

儀禮丁丑進士投戶部主事陞員外郎大學士穆彰阿能作座師也有勸以厚禮通殷勤則美官可立至謝曰顯達有命苞苴之辱我弗爲也尋以勤慎稱職擢江南道監察御史念母年老又傷二弟溘逝遂決意乞終養焉

張景青字少蘿致嶠長子也道光己酉拔貢生初授小京官爲座師曾文正公國藩所推許在部司以勤謹稱咸豐庚申夷氛及都景青趨公視事無少規避人服其膽識同治紀元丁父憂歸時粵寇竄陷江浙徧地賊蹤景青趨謁左文襄公宗棠於衢州甚器重之

浦江縣志

卷之九

政事

聖

留襄軍務旣而全浙肅清以出力奏加四品卿銜賞戴花翎復檄採訪忠義建造貢院諸事越八年再赴都補授河南道監察御史轉掌廣西道在臺二年餘屢上章條陳時事如清冊籍緩荒賦杜浮收疏云奏爲敬陳

肅清省分急應經理編冊展緩荒賦杜絕浮收以重賦額而厚民生恭摺仰祈

聖鑒

事竊自軍興以來田畝荒蕪冊籍散失吏胥因緣爲奸賦稅致多輻輳各省大吏無不以清冊籍督開墾

減浮收爲急急國家正供所關誠善後第一要務也然行之尙未盡善欲清冊籍而冊籍愈歧欲督開墾而開墾不勸欲減浮收而浮收又起臣愚謂非綜覈名實舍近功而規久遠不可謹就管見所及爲我

皇上

陳之舊制定賦役有二冊曰黃冊以戶口爲主凡徵

賦稅則用之曰魚鱗冊以田畝爲主凡勘地界則用之二者相輔而行而鱗冊尤爲根本法久弊生鱗冊久經殘缺然未有如今日之蕩然無存者也各州縣

克復之後黃冊皆出里胥之手有人亡戶絕而不知田產所在者里胥遂指爲空額而私削戶名矣有人產實存而有心作弊者里胥又得錢徇縱而任意隱漏矣坐此二弊糧額大虧此害之在官者戶籍不明官吏不問業爲誰主而向佃戶徵收錢糧以此爲直截簡便不知佃戶從此欺壓業主業主置產不能收租佃戶交糧卽思吞業以致訟端百出詐僞成風此害之在民者其故皆由於鱗冊無存黃冊茫無依據也蓋黃冊以田從人人亡而田無從指鱗冊以人從田田在而人可根求是欲造黃冊非先造鱗冊不可今雖冊籍散失故老猶存應令州縣先正都圖經界簽派公正紳耆分頭造冊寬從前之隱漏嚴以後之侵欺俟辦有頭緒由印官抽號查對總期簡而易從不許吏胥滋擾則鱗冊必可成矣鱗冊旣成卽新造之黃冊而釐正之務填實在戶名不許詭捏別號則稽查保甲之法亦於是乎在此清釐冊籍之實際也至於督率開荒原爲徵收錢糧起見然開荒之糧實有不能遽徵者從前東南各省人多田少卽或一川一縣偶患偏災田疇不無荒廢而鄰境全完一轉移間荒田不難盡闢今則用兵十餘省戶口減耗過半

浦江縣志

卷之九

政事

聖

大有田多人少之患卽就已種之田而論從前一人種田至多不過十畝今則一人而種數十畝矣農田之事力專則獲厚務廣則地荒矣今以一人種數十畝之田糞壅不能厚而地力薄矣耕種不能早而天時失矣種雖多而收成反薄以故瘠薄之區有已墾而復荒者無他力不贍也乃各地方官急於徵收不察民力虛實甚至朝耕尺寸之田暮入追呼之籍小民何堪有輟耒而歎耳以此督墾墾何由勸今欲善其策莫如先查明荒熟確數俾已成熟者不得冒爲荒田再將實荒者視土田之肥瘠人力之多寡酌定開荒後徵糧年限或限三年或限五年明白曉諭總期民力稍寬不至始墾終棄則開一田得一田之實際矣此荒糧之宜緩也近年各省大吏奏裁浮收錢糧一案每糧銀一兩除正耗銀外酌收辦公經費錢三四百文不等作爲道府州縣衙門公費不苦民亦不累官法至善也乃數年來各省地方又有每兩加收錢二三百不等者皆以銀價增長爲辭由各州縣任意高下夫銀價增長原難預定然亦何至驟增此數其故由於初減浮收時所定辦公經費係按正經用款覈計其額外陋規全行裁減今奉行漸懈未免

故態復萌遂藉口銀價增長又啟浮收之漸相應請
旨飭下各督撫將近年奏裁浮收酌定辦公經費之案令
各府州縣立石公署垂示永久其銀價長落之處每
年開徵時詳由大吏立案出示曉諭以杜私加之弊
庶徵收不至中飽 以及保甲勸墾息盜安民諸大端
而民霑實惠矣

知無不言

疏云奏為東南各省流亡日甚請

飭疆

聖鑒事竊自軍興以來無業游民荒蕪田地各省皆有如
果撫綏得宜使游手盡歸農畝數年之後民無遺力
地無遺利可使家有蓋藏外戶不閉古所云十年生
聚十年教訓者自疆之道不外乎此乃自東南平定
以及數載而流亡未復且有日甚一日者湖南湘潭
益陽等處屢告警矣安徽之建平浙江之嚴州又先
後蠢動民間驚惶情狀倍甚於前臣留心訪察東南
各省流民情形有二一則以逃荒為名十百成羣沿
村索食其頭目類皆壯佼長大嗜嗚叱咤遇小弱村
莊則疆索錢米不遂其欲不止經過荒庵古廟則流
連累日呼盧喝雉地方官驅逐出境既去復來此則
從來有之而近日未靖者也一則以墾荒為名聚居

浦江縣志

卷之九

政事

聖

山鄉僻壤間平日未嘗起一土耘一苗祇知占人房
屋毀人墳墓樵山則山赭漁澤則澤竭懦弱土著恐
氣吞聲不敢與較地方官百計彈壓強橫如故此則
戶口最減荒田最多之州縣有之聞建平嚴州等處
滋事皆有此輩竄其間蓋名為墾荒而志不在墾荒
者也有此二種游民加以會匪煽惑其間而民志愈
不定矣伏思近來地方官吏豈不注意於安撫流民
而流民卒未復業者何也保甲之法未行也墾荒之
政不講也保甲之法非皆得心精力果之州縣欲其
通行誠有所難臣竊謂不必全行保甲也一省中擇
最要之州縣一州縣中擇最要之市集而編行之而
全境皆安矣道光年間陶澍總督兩江以盧鳳穎為
臬匪出沒之區祇札開梅家市等處十入保飭屬編
查保甲其言曰使地方全行保甲既勞且擾不如使
州縣專心一志於數保之中而合縣可以獲安此簡
易之法前人行之有效者也保甲既行使匪徒無所
匿迹又須將各處難民遞歸原籍近來地方官亦有
驅逐難民出境者然不問來蹤不究去路僅押令出
境而止亦復何益夫土反其宅水歸其壑凡物必有
歸宿應令地方官遇有十百成羣之難民間明籍貫

共若干人總數護票注明過境月日一面捐給口糧押送下站交替一面通稟上司以憑查考務令送回原籍而後止則地面漸可清靜矣至於招墾之法其荒田稀少之地祇須責成州縣隨時勸墾不必遽求速效其荒田極多之地游民窟穴其中若僅責成州縣勢不足以資彈壓查順治康熙年間因大兵之後田地多荒歷經臣工奏請勸墾安置流民降眾章疏具在可考而知應請選威望素著之道府大員專理其事或招集流亡官辦屯墾或激勸富戶募佃耕種師屯田之意不必拘屯田之迹俟辦有成效破格保奏必有諳練之才起而膺明農之任者若慮經費無出則善後諸務皆取給於釐金勸墾尤善後之大者即因此而挹取釐金正抑未重農之意况賊未平則用兵為大事賊既平則勸墾為大事若今日借勸墾之費恐異日增用兵之餉此又費之不可惜者也總之今日事勢流民安則轉盜為民流民散則轉民為盜保甲勸墾尤息盜安民之良法可否請旨飭下各省督撫體察情形實力興辦庶無曠土無游民富庶之效可拭目而俟也他若天津民教構衅獨為百姓疏陳曲

清江縣志

卷之九

政事

四

直疏云奏為民教構衅事出有因請飭查辦大臣分別起衅曲直嚴杜迷拐根由明曉中外破除私見以靖民心而綏各國恭摺仰祈

聖鑒事竊臣恭閱邸抄欽奉

上諭崇厚奏津郡民教起衅爭毆自請治罪等因欽此又奉

上諭前因天津地方有匪徒迷拐幼孩等因欽此仰見聖謨廣運一視同仁但分良莠不分民教

有請者此案欲綏靖中外非鎮撫民心不可欲鎮撫民心非分別起衅曲直杜絕迷拐根由明曉中外使破除私見不可請為我

皇上陳之近來迷拐幼孩之案不止津郡一處即京城亦

不下四五起雖係內地奸民所為然無人餌之以利投之以術有銷售之區逋逃之藪斷不敢強橫至此此次津門百姓受害已深因所獲匪徒供出匪首王三藏匿教堂是以控告府縣請官前往查詢是不得謂百姓之不守法也迨官往查詢法國領事官負氣袒護徑至崇厚署中施放洋槍並向天津縣開槍百姓激於義憤始將領事官羣毆斃命是領事官先行

開槍曲在領事官百姓之憤激正親上死長之心所不容已亦不可謂百姓之好事也百姓又恐不得主名爲所藉口乃共焚燬教堂搜出幼孩多名并匪首王三是又不得謂百姓之事出無因也總之津民受害已非一日教堂獲出幼孩又確有證據如教堂於地方官往查時卽交出王三斷不至激變領事官不先向天津縣施放洋槍亦不至激變是百姓毆斃領事官及焚燬教堂亦外國禍由自取不得盡諉罪於百姓若不剖辨曲直則百姓不服雖欲爲各國周旋其道無由此起衅之曲直不可不先辨明者也至以後迷拐幼孩之事尤宜盡絕根株非但爲中國謀亦所以爲各國也各國旣欲在中國通商行教若非與民以不疑斷無相安之理教堂旣稱迷拐與伊無涉若不根究明確何以表白於民此事或係內地奸民嫁名法國或係法國行教人多良莠不一雖領事官未必知情而匪徒旣恃教堂爲護符百姓卽指教堂爲怨府各國若不破除私見將因何致疑之由盡力蕩除誠恐迷拐一日不除卽民疑一日不釋民疑一日不釋卽各國一日不得相安甚非各國之福也以

上二端擬請

浦江縣志

卷之九

政事

聖

飭下查辦大臣曉諭各國俾知破除私見所以服民心服

民心正以綏各國庶我

皇上一視同仁但分良莠不分民教之宏謨益昭示於薄

海內外矣臣芻蕘之言似否可採伏乞

聖鑒

大婚典禮請將搭蓋綵棚核實節省語尤剴切內大

臣之子郎中某盤踞要地浮冒營私眾莫敢言景青

特劾去之直聲大震一夕思鄉慨然有張翰之志遂

解官歸里居二十餘年德高望重爲人矜式歲甲午

邑修志書力任其事越明年秋功未竣竟以病終年

七十有二人咸惜之景青初攻舉業善詞章晚年輯

錄性理諸書以資循省性沈默不妄言笑氣度渾然

不見涯涘及遇事則斷以義理有截然不可犯者待

人謙恭自處儉約如寒素故終其身以清德著云
補遺

毛洪字巨源宋淳祐七年進士開慶元年任池州司理
景定二年遷象山知縣轉江州兵馬司使均有政績
轉松江府制置參議官南都丞守備無虞咸淳四年
特擢戶部尚書知糧料院事澤及軍民六年兼知制
誥十年卒於官諡忠獻朝廷遣官致祭襲一子服闋
注用

張夢弼字肖說宋寶祐元年進士任施秉縣令有惠政
民甚德之時賈似道當國夢弼知其必危宗社上書
論其奸邪悞國有引用兇黨喪無日矣之語不報似
道啣之遂棄官歸居於大嶺之原與鄉耆碩彥詩酒
相樂以終其年

于森號屏山世居負辰山下少敏慧明洪武中開才行
科聽聞左公舉森膺選任福建興化知府下車後崇
師儒勤勸課杜奔競誘掖獎勸造就有成者甚眾其
與諸生講學若父子良友然故是邦儒雅甲於閩中
尋罷職永樂初復召用又擢粵東按察副使致政歸
旋卒

沈文字思章永樂十八年進士任湖廣麻陽知縣麻陽

地僻俗頑民不向化文勸課農桑振興文教去豪暴而安善良幹公事如家事民甚德之秩滿父老攀轅相送不忍捨去正統元年陞雲南甯州同知其地夷民雜處尤稱難治文以不剛不柔處之適麓川白夷梗化上命總師沐晟討平之文督運不乏有功升江西南昌知府在任三年有惠政丁母憂歸景泰六年起復除雲南姚安軍民府歷任六年均有仁聞陞雲南布政使未赴任卒於官所

金漢鼎字紫汾前明婺源令德義子少孤母吳撫且兼

教甫十齡讀書明大義儀度甚莊有成人之望見者

知其不凡性尤強記爲文才藻紛披每一藝出爲人傳誦登順治乙丑進士授涇縣令涇最繁劇難治鼎至教撫兼施坦懷率物每讞一案必夜靜焚香潛心體索不得其情不止以是人不敢欺上官推其明斷有大疑獄悉委決焉秩未滿隨舉卓異特

賜蟒服擢兵科給事中轉禮科適直省鄉闈弊發

上怒甚部臣皆悚懼鼎任磨勘摘大弊一二人小疵多弗較或勸以搜求希

上旨怫然曰小臣受恩罔報惟是寸心仰體

朝廷寬大之意若過爲苛求株連何已度亦

聖心所不忍卽欲加臣罪夫亦何辭由是多所保全尋轉
刑科又陞兵科都給事中前後所上如澄吏治肅臺
班慎行取禁濫訟等不下數十疏敷陳剴切俱關大
體

世祖皇帝寵眷特隆一日顧諭左右曰金漢鼎是一好官
汝等識之指所陳數事稱善良者久之歲壬寅特簡
京卿因母老乞假歸母終以哀痛成疾旣而命湯盥

洗遂卒

據月泉
考志纂

文苑

士操七寸管展盈尺紙欲立言以垂不朽蓋亦難矣
文不外辭與氣辭根乎理氣積於養非可強而能也
浦之人士敦實少華其為文最工者幾與古人相頡
頏歷叙其人皆風教所係也若柳宋諸君子舉其大
者故不列叙於此云志文苑

于房

于嵩于世封于正封附

錢通

錢億年附

倪朴

倪展倪子從吳克已附

朱有聞

朱羣附

張森

黃中輔

方鳳

黃景昌

方樗

方梓附

陳公凱

陳公舉

陳昌翁附

鄭濤

鄭枋附

張恕

張思附

陳士貞

鄭泳

戴良

浦江縣志

卷之九

文苑

壹

張孟兼

宋璲

宋慎宋懌附

張端臣

張述祖附

樓真

鄭濟

鄭璲附

鄭楷

趙友同

鄭棠

周昉

陳翰附

鄭勳

鄭逖附

蔣大祿

傅宗佐

鄭鏞

鄭鏞附

張一韶

張德嗣

倪立昌

張一楠

張應泰

張一儒

張德暉

方舒

朱鶴鳴

傅旭元

唐華

樓灑

費懋烈

張可灑

陳松齡

趙友洸

楊德謨

潘德涓

朱式玉

黃汝廳

樓中元

王祖焯

洪鶴元

戴殿海

周為漢

賈應鴻

陳郁

樓鴻應

朱檀

黃旦

陳寶珊

費崇朱

戴蘭疇

宋

于房縣人其先自河內來遷父嵩有學行尤長於文辭會五季之亂抗志不仕以布衣終後以房貴贈大理寺丞房爲文有父風而精簡過之遠邇學徒咸從之游中嘉祐四年進士第官至尙書屯田員外郎通判應天府南京留守司兄立璧皆舉進士於鄉弟清穆去爲浮屠亦以文鳴諸子世封正封亦舉進士世封能暗記六經三史正封尤以博洽自負每兄弟論辯旁引曲證各歷誦全文一字不遺人號爲雙璧初世封善屬文頃刻數千言縱橫變通無不如意自以爲

浦江縣志

卷之九

文苑

一

所向無敵及同正封見歐陽修修不然之世封慚修因授以爲文之道世封之學於是益進晚乃著易書詩傳四十卷正封著春秋三傳是非說二十卷正封善正書酷類顏真卿世多傳之有方蒙者嘗受學世封輯其家三世能文者七人號七星集云

錢通字德循縣之通化人世隱於農通自少強敏記問過人中熙甯九年進士第調洪州推官守將王韶繇樞府出威重異常他僚屬不敢仰視會有疑獄適正色爭辯至怒罵不少奪後卒如通議轉信州厯常真二州燕衛王宮三教授通判越州吏挾守爲奸留難

訟者常百數適攝府事纔二日獄爲一空及後爲守
奸吏望風遁去除較書郎徽宗立擢殿中侍御史中
丞豐稷論其回邪不可以任風憲不報稷復言必用
適則願罷臣乃改提舉湖北常平夔峽轉運判官適
興利除害發摘姦伏風采凜然人畏之如神明崇甯
元年召爲都官員外郎復執法殿中劾曾布援元祐
奸黨擠紹聖忠賢布去遷侍御史閱兩月進中丞首
乞治元符末大臣嘗乞復孟后而廢劉后事韓忠彥
曾布李清臣黃履及議者曾肇豐稷陳瓘龔夬皆坐
貶遂與殿中侍御史石豫左膚言元祐皇后得罪先
朝昭告宗廟天下莫不知哲宗上賓太母聽政當國
大臣盡變亂紹聖之事以逞私欲因一布衣何文舊志
作大正狂言復還廢后位號當時物議固已洶洶乃至
疎逃小臣詣闕上書忠義激切則天下公議從可知
矣今朝廷旣已貶削忠彥等及追褫文正誤國則元
祐皇后義非所安孔子曰必也正名乎名不正則言
不順夫在先朝則曰廢后今日則謂之元祐皇后於
名爲不正先朝廢而陛下復於事爲不順考之典禮
則古昔所無稽之本朝則故實未有詢之師言則大
以爲不然况旣爲先朝所廢則宗廟祭告歲時薦饗

人事有嫌疑之跡神靈萌厭斲之心萬世之後配祔將安所施宜早正厥事斷以大義無牽於流俗非正之論以累聖朝明日又言典禮所在實朝廷治亂之所係雖人主之尊不得而擅又況區區臣下敢輕變易者哉元祐皇后得罪先朝廢處瑤華制詔一頒天下無閒然者並后匹嫡春秋譏之豈宜明盛之朝而循衰世非禮之事於是尙書右僕射京門下侍郎將中書侍郎益尙書左丞挺之右丞商英言元祐皇后再復位號考之典禮將來宗廟不可從享陵寢不可配祔揆諸禮制皆所未安請如紹聖三年九月詔旨

后繇是復廢豫適遂言元符皇后名位未正乃册爲崇恩太后適章所言小臣上書者昌州推官馮澥也其書以爲先帝旣終則后無單立之義稽之逆順陛下無立嫂之禮要之始終皇太后亦不得伸慈婦之恩雖已遂之事難復之失然感悟追正何有不可澥繇是得召對除鴻臚主簿蔡京謀取青唐適助成其議會籍元祐黨適以爲多漏畧給事中劉達駁之左轉戶部侍郎二年遷工部尙書兼侍讀三年以樞密直學士知穎昌府未行言者疏其罪黜知滁州四年徙宣州五年稍復直學士召還工部舉馮澥自代謂

澥趣操端勁古人與稽嘗建明典禮忠義凜凜薦紳
歎服言者又疏其罪以待制知秀州中書舍人侯綬
封還之又奪待制久之除集賢殿修撰知越州卽提
舉江州太平觀大觀二年會行八寶赦復修撰俄除
顯謨閣待制以疾請致仕四年起爲顯謨閣直學士
政和三年改述古殿皆領宮祠適家居十餘年無益
之事不爲惟築三大湖以利鄉民民深德之宣和三
年方臘陷婺適走蘭谿靈泉寺爲盜所刺年七十二
盜平州以聞有旨贈五官至大中大夫與遺表致仕
恩澤賜銀絹二百疋兩適無所不學晚尤深於歷書

爲文章明白簡切自成一家學者從之多爲名儒所
著有遺文八十卷藏於家子楚材楚翁皆承事郎孫
億年字伯壽宣和七年以祖蔭入官乾道二年以右
朝議大夫致仕五年起利路提點刑獄不果上淳熙
十一年轉朝議大夫卒有詩號雲巢集云

倪朴字文卿唐戶部侍郎若水之後也若水居恆州唐
末之亂子孫南遷江浙間五代時有名盈者又自吳
興遷浦陽之石陵世爲農至朴曾祖展始以貲雄於
鄉初衢婺嘗輸丁身錢相傳仁宗時永康胡則爲奏
免崇甯閒欲復算之適部使者行郡展持則像拜使

者於馬前歷訴其非便使者上其事復獲免祖子從
性好施田旱及半悉捐與種家然又多奇謀建炎初
山賊作亂遠近震動縣令丞揖子從問計子從爲之
籌畫使其子統民兵爲前導賊皆敗走民兵別部有
貪功擒至百餘人者縣令例縛之將斬以徇子從聞
之急白令曰此輩豈皆賊哉不如勿殺使自新賊不
足定也令悟足地曰微公言幾敗吾事悉縱之事果
甯帖朴豪雋不羈喜舞劍談兵恥爲無用之學必欲
見之於事功紹興閒聞廟堂謀遣將掃清河洛喜曰
依日月乘風雲以佐天誅此其時矣乃以天下山川

險阻戶口多寡爲用兵者所當知因遍考羣書成輿
地會元志四十卷又合古今夷夏繪爲一圖張之屋
壁手指心計何地可戰何城可守遂草書數千言上
高宗皇帝云臣謂今敵之勢其可以必滅者有五其
事勢相關而不可緩者有七今之進謀者莫不曰彼
強而我弱彼衆而我寡彼大而我小強弱不敵衆寡
不鬪小大不戰事未可以先舉是天下之常語耳秦
并六國之強胡爲而喪苻堅舉百萬之衆胡爲而敗
此成敗之理不在於強弱寡衆小大也審矣況今之
敵人才智不逮於庸常而吾之勢力萬倍於古人破

而滅之豈不易哉臣嘗見強壯之夫無故而暴卒在
先數月聞其言語必失次其動作必失宜蓋身將亡
而神必先喪矣今彼有意於犯我而隙先露是天奪
其魄而欲亡之也欲犯我而修吾之舊都是天先修
之以待我也其兆如此此其可以必滅者一也自古
人君其所以成非常之業建百世之功者莫不係於
人心之向背今天下之民間陛下分兵四出若老若
幼皆舉手加額曰願吾皇宗廟有靈天地有感一舉
而誅滅之是吾民怒之也天欲亡之吾民怒之事何
患乎不濟哉此其可以必滅者二也國家自偃兵以

來知者無所施其謀勇者無所用其力愚者無所効
其死貪者無所得其利其怒敵之氣樂鬪之心莫甚
於此時也鼓而進之鋒必不可遏此其可以必滅者
三也中原皆禮樂衣冠之俗一旦疆而驅之爲被髮
左衽大者必不願爲之臣小者必不願爲之民今吾
以其所深願易其所不願彼不叛而歸我者吾不信
也此其可以必滅者四也國家列聖相承深仁厚澤
滲漉於天下而固結於人心垂二百年非有窮兵黷
武以害之暴刑虐政以殘之是宜中原之民未厭於
我也必日夜引領東望苟傳檄而呼之彼不望風而

響應者吾不信也此其所以必滅者五也敵不可以
不滅其說亦有五者大抵以利害相反而言也天奪
其魄而欲亡之是天與我之時也天與不取反受其
殃此一不可不滅也百姓怒其剝斂三軍怒其陵侮
俱已久矣苟逆其心而挫其氣臣恐陛下之憂不在
敵人而在蕭牆之內也此二不可不滅也丹之所藏
者赤潑之所藏者黑漸習之効也中原疆而驅者三
十餘年矣今而不取則凡生長於彼者舉將受變於
彼無復有望於我矣此三不可不滅也中原之民雖
深被吾先王之德澤爲敵人所據者三十餘年而今
不取數年之後老而壯者大抵已死後生者不識吾
先王而惟彼之知矣此四不可不滅也今敵所可冀
其少和者惟增歲幣之一說耳我愈窮而弱彼愈富
而強彼得以乘前四者之弊而肆其志我無一以待
其變事勢之危可勝言哉此五不可不滅也夫彼之
可以必滅者旣如此其不可不滅者又如彼則滅之
之策其可不獻乎滅之之策有三而所用則非一有
上中下也皆所以因敵而制勝也用兵之法先發則
制人後發則制於人今彼雖有意於我而事未舉謀
未定號令未一屯守未備陛下宜先其所未發令諸

將水陸並進直衝其屯戍之所而襲取之所謂迅雷不及瞑目疾雷不及掩耳也破其屯戍奪其要害而守之使中原之民知所向慕陛下然後進都江表以壯諸將聲援之勢以慰中原歸附之心黃河以南可傳檄而定何者彼自謀和以來二三十年之間彼嘗恃強陵我不虞於我一旦出其不意以壓之乘其不備以入之勝之決矣此滅之之策一也彼如大衆已舉警備已嚴陛下當使江淮之師堂堂之衆出壽春出盱眙出漣水以迎其前然後一軍出荆襄入陳蔡繞出其後以潰河洛一軍出隴蜀入散關據關陝以

震兩河天下定矣關洛震動彼勢不分而我事專何有不濟昔者諸葛武侯嘗欲用吳蜀表裏之勢以圖中原矣未幾荊州爲吳所襲取而亮失荆襄表裏之勢故亮不能獨用蜀以取關中今者吳蜀一家臂指相從吾於此擁江淮之師牽綴其勢於淮南使荆襄隴蜀之衆相表裏擣其虛而潰其內此滅之之策二也若其鋒未可當其勢未可遏陛下當歛江淮之兵列江而守虛兩淮之地以待之彼之所恃者騎而已舟楫之閒非其所長以吾所長控彼之短雖百萬之衆無所用彼兵深入吾境臨江不敢輒渡吾深溝高

壘據江不與之戰夫千里興師速戰則利相持則不利延日持久糧運不繼士心必危師久而無功則糧竭而餉匱其衆不自亂則必自潰勢之必然也此滅之之策三也抑嘗思之陛下必欲一舉而復中原滅勅敵非蜀兵不可何者彼以吾之精兵皆在於東南其所慮亦東南吾江淮之兵深入敵境則必與敵相遇不入則必與敵相持勢不能直進與之周旋於中原蜀之於吳相去萬里勢若不相關彼必不虞於我也彼之意在東南而吾之意在西北吾得志於西北則東南之兵不足慮也願陛下堅守東南運算西北

及其未發令蜀諸路召募豪智潛爲進取之計就其閒選智謀之將委以便宜俟敵人之衆舉皆東向便乘閒深入正兵自鳳州出散關據鳳翔以招秦隴奇兵自興元出斜谷自洋州出駱谷皆不盈七百里入據長安以向潼關而又出荆襄之師擣宏農河洛以爲之聲援若此則中原可指日而復此臣滅敵之策所以尤恃於蜀兵是故始終言之而不憚煩也其事勢相關不可緩者有七曰順天曰立將曰屯兵曰強兵曰防姦曰安民曰理財是也國家自偃兵以來陰陽不和居高者苦亢旱處卑者怨水澇螟蟲大作陰

害嘉穀而今歲尤甚當春陽發生之時而凍雪連月
浹雨不止蠶麥所收百無一二今又加以大旱州
縣決滯獄放逋租上下祈禱靡神不舉而絕無響應
民心憂懼不知所爲伏觀陛下刻心削志不爲侈靡
不樂游玩不興宮室不營苑囿寬大之詔無時不下
所爲皆善而天意若是者必有怨怒之氣積於下奸
於上者故陰陽乖繆而雨暘爲之不順臣聞故將卞
飛忠義無比志清宇宙一旦爲權臣所害天下病其
寃至今大小猶云云也臣又聞前相張浚陛下佐命
勳臣雖一時兵挫地失而志在滅敵陛下不念秦伯
用孟明之事聽妨功害能之說痛怨之終身錮而不
用使天下之心失其所望臣願復故將卞飛之封爵
祿其子孫以申其寃枉之氣詔復張浚以慰天下之
望則天時自順雨暘自若敵人可得而滅矣此順天
之說也天下安注意相天下危注意將陛下之所注
意者誰耶未得其人宜求其人而用之得其人宜明
而立之不宜尙循常職也今有將之職而無將之權
則威愛安足以及士卒乎邊境苟有倉卒陛下臨時
授以斧鉞則諸將未必用其命士卒未必服其罰太
公六韜言論將而次之以選將選將而次之以立將

立將而次之以將威論定而後選選定而後立立定而後威可行焉此太公用兵之深旨也陛下無謂今日事未舉敵未動不可假而與之以權也今分遣諸將屯劄要害者大抵皆武悍之夫持兵帶甲動以萬數節制雖有所歸權輕不足以御臣恐輕躁妄動上無制將以統之其變恐不在於敵此立將之說也用兵之法以虞待不虞者勝昔晉將取吳或請益戍兵以備之而孫皓不聽及晉師起知其無備順流乘虛直造金陵若行於無人之地今陛下神智先見因其使命求釁而知其必叛故先分兵屯劄於江鄂兩淮之地據其衝要然戰而不知分合之變不可以戰守而不知分合之變亦不可以守吳王知分兵以禦越之左右而不知爲中軍之所襲王莽知合衆以圍昆陽而不知爲孤軍之所敗此戰而不知分合之變者也秦王知固其外而不知劉項擊其內元濟知拒其前而不知李愬襲其後此守而不知分合之變者也一分一合而後爲變今屯兵之所地之相去遠者千餘里近者數百里前後分離形勢孤立遇緩急不及救宜分諸夏各以重兵繼其後而爲之聲援爲之統率謂如兩淮屯兵則一統於睢陽沿江諸屯則總於

建之上流委命於夏口沿漢聽令於襄陽一處受敵
諸屯皆應若一身之運臂指攻其右則左應之攻其
左則右應之敵擊吾左吾攻其右敵擊吾前吾攻其
後攻其所必救出其所必趨使吾之守敵不知其所
攻吾之攻敵不知其所守如此則勢雖分而實不分
地雖遠而實不遠以守則固以攻則克此屯守之法
不可不知也強兵不在衆而在於精不在精而在於
氣氣不壯雖精且衆不可恃今夫閭巷之間聚衆挾
黨欲合鬪而別其雄者甲衆而乙寡乙雖寡其閒有
一人攘拳奮臂大呼而直前乙之黨勇必倍而勝甲
之衆此無他氣使然也今朝廷久不用武州縣閒多
有慷慨感激之士豪壯勇敢之人聞國家將爲滅敵
之計莫不奮然而無由自効願陛下詔州縣其有願
奮義以助國立功者許自陳團結士伍皆勿黥涅優
爲之制號爲義兵文武智謀之官採其風采畏愛於
下者使帥其衆教以攻守之法勿與官兵淆雜賞格
優厚用之則必忻然樂鬪大者貪功業小者慕爵賞
所向必無前官兵得以藉爲聲勢氣必百倍勢益壯
而威益強當之者潰觸之者敗此強兵之策不可不
蚤圖也今國家禁衛之兵及州鎮之卒皆已抽發於

屯戍之所朝廷深思遠慮令州縣並立四隅官分結
保伍而統之誠良策也以臣思之天下之民皆感陛
下仁厚之政惻怛之誠自非凶荒饑饉之歲雖驅之
爲亂不可也然姦雄之人其黨與必衆其聲望必雄
藏姦匿盜爲之囊橐乘天下有變而肆其志今州縣
往往以此曹雄於羣不逞之間豪暴而無賴者多從
之四隅之職悉委之此類臣常以爲憂夫姦雄之人
難以法制而易以勢消彼之所資以動者無賴而勇
健之徒以前強兵之策召募之則十去其五矣誠令
州縣厚賞以餌之多方以誘之朝廷資其用而姦心
無所肆一舉而兩得之此防姦之策也今畫未舉兵
未出紛紛藉藉咸妄謂陛下爲遷都之事臣不知其
然否也臣謂遷都改邑在他時則可在今日則不可
何者當無事之時人君遷動則弱者無憂危之心強
者無覬覦之望此其勢然矣陛下必欲遷都金陵以
壯軍勢且宜偏守錢塘營繕城郭爲不動之計使民
心安而無所惑使姦雄之人靜而無所望待大軍將
舉陛下明詔天下董六師之衆爲親征之舉以號於
民然後徐進而都之外足以聲援諸將慰撫三軍內
足以安民心慰民望此安民之說也三軍所恃以動

者財也興師十萬日費千金理財之說其可後乎行屯田募墾闢而今敵釁已萌兵力不可以罷邊堠有警則貪民不可輕往如算舟車借商縉則不忍爲桑宏羊韋賓都割剝天下以斂民怨姑望陛下權其所取以優民時其所用以省費耳有若曰百姓足君孰與不足非百姓足而君能自足也蓋善藏者當無事之時則藏於民當有事之時則取足於民而不使其忽然其歛散之術必有權以用之也鬻官爵賣度牒雖衰世之事然權宜濟急猶勝於橫賦以害民也且彼買官爵買度牒者不憚價例之高而樂欲得之皆

其有餘者也取其有餘以補不足是亦天之道也此權其所取之說也夫祭祀之禮行之適時之豐殺講之合禮之誠實不務於耀虛文糜用度然後爲得也古者掃地而祭不以爲非二簋之薄可以用享今之儀則已繁矣而浮文虛費濫賞僭恩近世之弊尤極且如一青城之費用繒帛數十萬其中至有苑囿臺池游觀之所娛悅耳目之具此豈齋戒交神之義至於三軍之賞賚百官之賜予動以千萬計此何爲者也是以三年一行諸道漕運勞於會計州縣官吏罷於督責文符之往來胥徒之窘迫急於星火神祇祖

考其樂於此乎且陛下所以備園邱立明堂殺牲備禮以禋上帝以奉祖考豈非欲昭答其心今中原失守三十年矣神河帝洛曠而無主則神祇之心所望於陛下者何如也故陵舊廟無所依歸則祖考之心所望於陛下者何如也謂宜明詔天下以恩賞無與於祭事國步多艱財力不可以妄費臣民宜悉此意惟禮文儀衛之不可無者當具其餘一切減停橫賜以需有功省濫費以待將士使帑藏豐實資用餘饒俟機會以復中原以上答神祇下報祖考其誰曰不可此理財之實要在於時其用而省費之說也朴爲

此書懷袖不減鄭伯熊見而奇之連吐舌曰男子男子雖以無階不得上進猶冀一用其能晚知不用復著鑑轍錄五卷以痛國家禦侮用策之失惓惓猶前志也朴好使氣與人多不合年四十七尙未娶當時人亦鮮有知朴者獨永康陳亮敬焉淳熙中與知縣趙汝鉞有隙鄉人樓益恭遂以豪俠中之徙家筠州會赦東歸朴於書過眼不再覽辯駁甚精嘗言吳越受梁封爵未嘗稱帝其改元寶大寶當梁亡之後且取觀音院鐘刻爲證以破五代史之疑論者服之朴之友吳克己字復之縣之鶴塘人窮經博古尤邃於

易旁通釋氏書多有著述朴嘗評其文汪洋恢怪如崩崖翻浪使人畏且驚又翫之而不忍去竟不知爲何等語蓋克已談內典故朴頗識之

按朴上高宗皇帝書舊志採入藝文但書言無關浦邑錄入之似與體制未符若逸之又有遺珠之惜今故節入傳中庶朴之雄才大畧並其忠義之心俱於此可見矣

朱有聞字子益幼孤長能刻苦爲學夏不避蚊冬不擁鑪久之悉通諸家書作文尙質實有理致好飲酒於富貴人無所屈縣令丞而下欲見之不能得同郡呂祖謙名重一時知其有守而多聞訪之道旅中再以書速之止脩報謝亦竟不行祖謙愈重焉淳熙十六

年卒年六十五子羣字穎叔游太學有聲中紹熙四年進士第

張森字餘之祚子宋季以明經補太學生授潭州儒學教授著靜軒詩集子恕別有傳

黃中輔縣人長詩詞而以風節著聞當秦檜秉國和議旣成士大夫皆歌詠中興之美中輔不平作題太平樓詞譏切之有籌邊未建先建太平樓之句爲時所傳誦後子姓遷居義烏咸淳時樞密院編修黃夢炎實其曾孫也

方鳳一名景山字韶卿自贈光祿大夫方資至鳳凡八

世鳳生有異才踰冠遊學臨安盡交海內知名士將
作監丞方洪奇其文以族子任試國子監舉上禮部
不中第丞相陳宜中尤器惜之將具奏請補初品官
既而宜中走海南事寢以特恩授容州文學未幾宋
亡遂絕意仕進鳳於書無不通究而尤邃於毛氏詩
始用爲文應有司後乃束其興觀羣怨之旨一發於
詠歌體裁純密聲韻嫺婉不緣琢鏤而神融氣洽成
一家言詩日益工業日益落里士吳涓與其伯兄弟
闕家塾於吳溪延館之遇佳客則采摭風月嘲弄林
水一切世俗事不搜其懷晚善括蒼吳思齊武夷謝

翱累其倡和諸詩識之曰風雨集翱死無子鳳數百
里赴其喪爲函骨葬嚴子陵臺南閒歲西遊訪遺覽
古自陵陽牟巘新安方回而下若淮陰龔開剡源戴
表元永康胡長孺南陽仇遠之倫皆聯文字交積其
稿卷滿數十便束歸山中如獲珍異雅志好游歷欲
資之以昭德葆性汲汲然恨行地不廣也嘗由京口
黃潛送游京口詩云不到南徐三十春好將夢寐弔
遺民也知往事如流水祇想重來是後身棹響官河
風色暮雲離野服髻毛新舊遊
偶失扶桑路煩向滄江一問津沂江至建業又東南
出括蒼行尋雁蕩大龍湫挾摘景物藉爲賦詠每遇
雄關複輿長川巨浸破軍蹶將之處悼天塹不守輒

俯仰徘徊不能自禁聲調淒惻澗於故國舊君之思
鳳論詩嘗曰凡詩之作由人心生也使遭變而不悲
黍離居嫠而不念儀髦望白雲而不思親聞山陽笛
而不懷故是無人心矣尙復有詩哉鳳於宋未爲顯
達而特有梅福逢萌之志臨沒屬子題其旌曰容州
蓋終身不忘宋也宋季文做鳳頗厭之嘗謂學者曰
文章必真實中正方可傳他則腐爛漉漫當與東華
塵土俱盡耳性不喜佛老讀唐傳奕傳壯其爲人自
據奕以後闢異教者數十事題曰正人心書尙未完
他所著詩三千餘篇曰存雅堂稿其卒在至治元年

年八十二子二樗梓

元

黃景昌字清遠一字明遠縣之靈泉人其先與太史公
庭堅同所自出四歲入小學十二歲能屬文長從方
鳳吳思齊謝翱游益通五經諸子詩賦百家之言尤
篤意書春秋學之四十年不倦三傳異說學者不知
所從景昌據經爲斷各采其長有不合者痛辭闕之
不少恕作春秋舉傳論巴川陽恪著夏時考正言三
代悉用夏時不改月數景昌以左氏縱不與孔子同
時亦當近在孔子後其言當不誣作周正如傳考建

安蔡沈集衆說爲書傳世無敢議其非景昌獨疏其
倍師說者數十百條作蔡氏傳正誤古今詩體製雖
相襲而音節則殊近代以此名家者亦罕知其說景
昌以古人論詩主於聲今人論詩主於辭聲則動合
律呂可以被之金石管絃辭則文而已矣乃集漢魏
以來諸詩各論其時代而甄別之作古詩考景昌善
持論出入經史衮衮不窮如議法之吏反覆推鞠其
人辭不服不止故其所言皆綽有理致他著述尙多
不能備陳景昌年旣耄猶執筆刪述不已或勸其休
景昌曰吾豈不知老之宜佚哉恐一旦卽死無以藉

手見古人耳晚自號田居子述田閒古調辭九章賓
客至輒揭甕取酒共飲酒酣取辭歌之以筴擊几爲
節音韻激烈聞者自失不知世上有貴富也景昌事
親孝親沒哀泣至終喪遇孤姊甚戀戀懷鄉人有恩

重紀至元二年卒年七十六

吳萊田居子黃隱君哀
頌辭并序始予弱冠時

從黃隱君遊隱君諱景昌字明遠世爲婺之浦江人
自幼啟樸而開悟及長益通五經諸子詩賦百家之
言巖南公嘗一再攜予詣隱君質春秋隱君則曰墨
守是非初不可以草草矣已而予授其孫迪學且盡
發其春秋公穀舉傳論及三代用正日夜食之辨每
言春秋一書自公穀氏口說相傳至漢然後著之竹
帛是故經有脫編有錯簡學者上畏聖經下避賢傳
訛舛挂漏不敢較也辯周正曰三代正朔改正必改
月數而春秋左氏爲最明太史推日食則曰當夏四
月是謂孟夏而經且書日食爲六月梓慎占星孛則

又曰火之出也在夏為三月在商為四月在周為五月而經且書宋衛陳鄭之災為五月他如晉卜偃因童謠而驗晉人之滅虢又極有以見夏周數月之不同矣蔡氏傳書乃曰三代之建正不同月數不改凡朝覲會同巡狩承享之事必以所建之正至於數月皆起於寅嗚呼蔡氏之為是說豈欲以羸秦視三代耶秦史所書冬十月以為歲首後九月亦非亥矣然而建一差閏法不合後九非戌而十月亦非亥矣然而秦人自以端月為正史以十月書於元年之首者太初歷行漢史追改之也孰謂三代類是而伊訓必以五星皆動物也而日月且有薄蝕之變春秋據見而錄故言日出而有食之不言所食蓋慎之也穀梁言王者朝日日出而有虧傷即是夜食是以經不書日日辰晦朔言日夜食不可以日定也雖然王者朝日日則已見為晝食非夜食矣聖人豈能據所不見而書之經耶或曰春秋之經無日夜食歷家之算天度必知有日夜食是傳者因經以著歷數也予謂經書日食三十有六後世善歷者推之或有甲乙或無晦朔不聞言有日夜食學聖人之學豈不反為巫史家所笑乎

或曰世之登泰山者夜半見海出日當是而食將夜食乎抑晝食乎予謂古人之占天者當晝則測日景當初昏則驗中星自帝堯之分命羲和者此其職矣又何敢以瑣聞雜說而輕議聖經者乎自予當時觀其辯日夜食凜凜不可屈後得巴川陽恪春秋考正一卷言三代悉用夏時不改月數出入經史無慮數百千言隱君且明其不然乃作周正如傳考章分條析文極多此最其善持論者又嘗考古今諸家所賦詩上起漢魏下迄於六代陳隋而止唐以來古體之作一變今體不盡錄也閒則致書巖南公為古今體樂府之辨曰夫古詩三百篇之外後人所為準者惟漢魏為古體之宗而唐沈宋則始為今體之倡然樂府辭乃具古今體何者漢魏以還言樂府者本是古體及唐李太白宮中行樂辭梨園之伎悉絃歌之所謂之陽關詞復是今體絕句他如古挽歌辭左氏傳所載歌虞殯者雖不可考漢魏之間所歌薤露蒿里則猶古也自唐至今之為挽歌者必以今體五七言四韻為之何耶又如古樂府題胡無人釣竿等篇唐徐彥伯沈雲卿方以五言今體為之盡今日之所謂律詩絕空文明又以五言二韻為之盡今日之所謂律詩絕

句者也此果何耶唐人詩集每有標題古詩律詩古樂府歌引吟行者杜少陵集中獨無樂府舊嘗累讀而深疑之蓋夫古人之詩一章一句動合律呂被之金石筦絃播之羽旄干戚與夫唱嘆於工師瞽矇之口皆是詩也何有詩與樂府之別哉或者不悟且曰此為四言此為五言此為七言此為古詩此為歌行此為琴操嗚呼陋矣此皆後世擬古者之一失也昔者曹孟德召李堅為鞞舞辭欲以聞西園鼓吹之舊堅以亂離久廢不悉古曲子建乃不泥古曲之名遂別構之何後世之言古曲者就題立意若宋齊梁諸人之所為者耶宋齊梁諸人之所為猶若是則今體之拘拘者吾可得而盡錄耶欲觀古今體樂府之變考吾之所自錄者概可見矣隱君晚自號曰田居子因作田居古調辭九章一章曰耕田二章曰抱甕三章曰濯澗四章曰暴日五章曰候樵六章曰倚窗七章曰聯蓑八章曰釀酒九章曰開徑每一客至霑醉恆擊節高歌超然自得然頗自謂東都名士大夫不欲以文士得名及老猶親自刪述不已且曰吾耄矣恐一旦即死無以藉手見古人吾又豈得與文士齒哉於乎揚雄法言書鄭子真季仲元王充論衡書谷

子雲吳君高子真名動京師子雲身為五侯之客仲元非不有隱德君高非不有文翰而終以不顯奈之何哉此殆當世逢遇之不同初不可以士論賢否定也隱君已矣予故悉疏其文且作哀頌一篇就以祭之使後人之讀是者知吾之所以哀隱君與夫隱君之所以自哀者矣頌曰於乎自古皆有死今之死者已乎可哀方來如秋濤之未息既往類老樹之先摧當其壯年卓犖呻吟佔畢聖賢合席迨其晚節偃蹇浮湛里閭漁釣爭隈生而無爵沒而無諡直隱居行義而止耳心之所存道之所統則或前有千古後有萬世內有中國外有九垓子嘗觀其著書成篋揮筆成甕將以窮經而致用猶恐一旦先狗馬填溝壑無以自見於世眼光流月舌音轉雷倏焉榮華茲固不能必料其播之簡牘刻之琬琰忽爾變滅抑亦不得不禁其聚為燐火委諸塵埃於乎就君平日之所自論者不待後世而悉驗雖使投豕兮赴弼治銅兮鑄島孰知其學孰慕其材幸而屬纊幸而蓋棺幸而得塋則終身之願已竟又何猜有肴在俎有酒在盃歷上下四方曾不可以復作盍歸乎來

方樛字壽甫鳳子也投本邑學正以振興庠序爲已務
人士因之不變弟梓字實甫義烏訓導並能文善詩
嘗從父遨遊山水與謝翹吳思齊輩追隨吟咏爲柳
貫黃潛諸賢所器重吳萊則樛壻也樛於至正十二
年卒學者稱北村先生所著詩文並載存雅堂集
陳公凱字君用號鶴臞以工詩古文名噪士林吳涓舉
月泉吟社於吳溪海內文士詞卷蝟集而多自隱其
姓名涓等暗中摸索於二千七百餘卷中選中二百
八十及榜揭則其第四十與四十六名署柳園鶴臞
者皆公凱也聲譽由是益起大德閒推爲月泉書院
雅至今猶傳誦之

陳公舉字正臣善屬文與兄公凱方鳳吳思齊砥礪倡
和至元末任本縣儒學教諭累遷江浙儒學副提舉
與趙孟頫爲同僚用薦者應奉翰林文字甫兩月卒
子昌翁亦能文本縣儒學教諭

鄭濤字仲舒鑑子受業柳貫吳萊以文翰知名至正中
用薦者爲經筵簡討每進講天子爲之首肯權參贊
官三轉陞太常禮儀院博士階奉議大夫論張士誠
不當賜諡時宰怒被黜退居撰著有葯房集若干卷

子枋字叔車爲辭章操筆立就父宦遊值亂十年不通問叔車閒關往省道金陵艤舟江滸父適至而病

見子喜甚病隨愈張孟兼等稱其孝感爲詩美之送仲

舒得請歸浦江詩云鄭公去年離北平東書抱病來
南京城隅邂逅喜且驚開顏握手言再生自從南北
屢構兵日夜悵望鄉關情幾回寄書雁南征中心搖
搖若懸旌苦遭喪亂百病攬客邊囊橐一旦傾此來
四顧徒熒熒豈料吾子與合并我時聞之涕泗橫况
公素有文章名居官勝國職最清經筵之擢轉庠賢
及當王署宦已成又爲奉常典粲盛人生際此自足
榮但恨白髮已數莖懷哉屈子全忠貞誼與日月同
光晶願言夕餐秋菊英佩明月瑞紉茝蕩懸河之論
春雷轟使旁觀者顏發頰索居半載留帝城坐聽夜
雨哦寒檠眼前倏忽時變更春風一見衰草萌公家
孝義好弟兄遣兒千里來遠迎乃今得請荷聖明身
若插羽乘風輕過門云別明遂行開船要趁蒸雨晴
夜久不寐視長庚長庚欲落鐘鼓鳴庭樹喔喔聞雞

浦江縣志

卷之九

文苑

三

聲荆綵起舞冠絕纓公歸我愁絲亂縈亦有夢寐懷
先塋如過吾父歎柴荆爲言恨不同趨程終當早晚
乞歸耕送叔車還鄉詩云鄭子離襁裸所怙惟乃父
父昔仕燕京半世去鄉土子家孝義門十世居同聚
派衍白麟支望出榮陽譜庭嘗無閒言禮或習鄒魯
鷄鳴起盟櫛合食聞鐘鼓雖當喪亂後遵訓仍厥祖
我家故同邑匪聞日親睹况子吾素知才華足多取
豁然義氣俱歎唾珠璣吐揮毫走蛟螭作賦凌鸚鵡
昆弟既謂賢親鄰亦稱數久欲尋父去柰時方用武
消息十年無道路滿豺虎近傳燕薊平不覺喜而舞
聞父已南還恨不身插羽飲衣即登途宵進江上艤
忘食并兼程亦不避風雨途旬及南京適父病將愈
逆旅會面歡勝渴飲酥乳比鄰走翁媪環視立如堵
我時往相見政值日卓午挽之入客邸共談坐揮塵
問言念父情情深話翻縷如子之所經跋涉甚辛苦
春泥膏土脉停雲黯天宇朝行履濡露暮宿定林莽
我維純孝者往往見前古名同金石堅不與草木腐
事親在娛樂奚必養三鬴羨子爲此行於世豈無補
聞者大驚奇見者輒誇謝人生斯足榮何用效題柱
是言良已解口答頭屢俯陋予亦胡爲問學本狂瞽

三年事估畢竟日拘訓詁環列紛叩難類敵張勁弩
內顧實空乏畏彼搜林斧幸哉縉紳交脫畧噲等伍
或時卧養痾連月不出戶今日子來別省墓亟東下
爲言奉父命明發河之滸此還暫當來寤寐歌陟岵
聞之觸鄉思嘔嘆體頻拊吾翁髮垂白不得躬幹蠹
便欲從子歸致身學稼圃敝廬南山中風物詫韋杜
桃李自滿蹊去天纔尺五但見桑麻榮豐年多黍稌
昨宵夢先壠松楸長栩栩強起訴此懷喚僕買清醕
春風吹柳條夜雨漲江浦
勸子盡一觴聊以寫心腑

張恕字如心祚孫幼穎悟取家中遺書晝夜研摩雖寒
暑不易其恆度迨長文名藉藉遠近來學者戶外之
屨常滿舉明經歷任武陵東陽慶元學正所至以興
起斯文爲己任時集弟子員敷繹聖賢大義皆充然
有得士風爲之丕變尋以母老歸里恕丰神峻潔望

之若玉井冰壺議論則纒然如貫珠爲詩音律清麗
書體莊勁得八分之正居家悉從文公禮治喪弗用
浮屠所著有東菴詩集宋濂嘗曰張公恕渣滓竭盡
內外瑩澈足以濯人肺腑其德誼淵深不能涯涘接
人於神氣之微誠前輩之不可及者其推重有如此
弟思洪武初舉明經授東陽儒學教諭

陳士貞字彥正曾祖文煥以登仕郎自試入官會宋亡
不仕著有春秋質疑傳士貞幼讀書日數千言從吳
萊習春秋以襲家學試藝鄉闈一不中終身遂不復
赴鄧文原在翰林聞其學行薦朝授衢州路清獻書

院山長以疾弗果上改處州石門山長內艱起再長
建德之釣臺衢州之柯山二書院以累考序遷龍興
路富州教授平生精勤強力酬答少閒卽挾冊不置
陰陽卜筮方伎仙釋之言無不旁究詩文深沈濃郁
見推儕輩晚以存心養性爲務榜其居曰儼若思以
自見

鄭泳字仲潛鉉次子受業宋太史濂以文章知名偕從
兄深北遊燕京丞相脫脫延教胄子參太傅府掾史
從征高郵平六合轉承務郎温州路總管府經歷決
獄平反甚多年五十感世故多變棄官養親於家構

軒三楹若屋之半名曰半軒爲說曰半者中之道人
每求其全故未嘗得中道當漢始定天下居半之時
也韓彭欲求其全乃有誅夷之憂子房能知止而去
之所謂求中道於半而得其全者也余飄泊塵海者
半世旣無所爲事業幸而知止於此則將志於半以
求夫中矣又治室如舟形名曰艤航爲說曰舟航固
濟險之具而或恃其可以濟險直前而不知止方其
順流千里自以爲快及乎風與水爭飄蕩掀簸而猝
不可禁止非先治其具審其地得其艤之道者必不
免於患也世道之險甚於江海富貴之禍甚於風濤

余游更世變身之不辱非敢自以爲能則固艤之力也讀此可見其急流勇退之志矣所著有半軒集家儀等書

戴良字叔能通經史百家暨醫卜釋老之說學文於黃潛柳貫貫卒經紀其家明太祖初定金華命與胡翰等十二人會食省中日二人更番講經史陳治道明年用良爲學正與宋濂葉儀輩訓諸王太祖旣旋師良忽棄官逸去辛丑元順帝用薦者言授江北行省儒學提舉良見時事不可爲避地吳中依張士誠久之見士誠將敗挈家泛海抵登萊欲閒行投擴廓軍

道梗寓樂昌者數載洪武六年始南還變姓名隱四明山太祖物色得之十五年召至京師試以文命居會同館日給大官膳欲官之以老疾固辭忤旨明年四月暴卒蓋自裁也元亡後惟良與江陰王逢不忘故主每形於歌詩故卒不獲其死云良世居九靈山下自稱九靈山人有集三十卷揭泂稱其文敘事有法議論有原典實嚴重得於柳縝密明潔得於黃而加以春容豐潤故意無不達味無不足王禕稱其詩質而敷簡而密優游而不迫冲澹而不攜上承漢魏遺則以自成一家數言可以見良集大概子禮能

守其家學

明

張孟兼名丁以字行有俊才而侃侃自許少從聞人夢
吉受春秋三傳之解同宋濂學古文辭知名會下詔
徵才能郡縣以孟兼名上擢國子學錄與修元史遷
太常丞時誠意伯劉基氣豪不肯妄下人而獨稱孟
兼帝嘗問天下文章士基對宋濂第一臣基次之又
次則有張孟兼餘不能知也孟兼遂愈自高濂亦愛
孟兼才欲薦之而未有會適帝將用越僧證急欲得
其文觀之而證方遺書孟兼論性命濂因言太常丞

浦江縣志

卷之九

文苑

三

張孟兼所有之命濂召孟兼以證文至帝覽畢顧孟
兼謂濂曰卿門人耶曰臣里中子耳且言其才帝熟

視之曰生骨相薄仕途當徐徐進乃可耳除山西按

察司簽事

徐賁送赴山西行軍詩云漢將防邊意氣
豪參軍行處擁旌旄雲連白雪飛花片風

捲黃沙似海濤塞曲但聞吹篳篥人家多自
種葡萄昇平見說從戎好欲解儒衣問戰袍廉勁疾

惡擿奸猾無所貸聲聞朝廷陞山東按察副使而山

東布政吳印乃故鐘山僧也帝所特用孟兼以其僧

慢侮之時初刊寶鈔印不令使孟兼責以違制言將

上陳其事於朝仍不即上先為印所劾帝謂孟兼不

遜勅答之孟兼愈憤即捕為印書封事者欲論以罪

印復上書言狀帝大怒遂械至闕下廷詰論棄市孟兼中無嶮巇祇以尙氣好高人卒至爲人所陷士論惜之著有白石山房集

宋璲字仲珩濂之次子十歲通春秋長博雅善詩文尤

精於書法與宋克宋廣齊名世稱三宋洪武九年以

楷書召入爲中書舍人

鄭幹寄詩云鸞斯桑下飛青鳥海上游如何不同調羽翼

有短修故人昔相見時時話綢繆出入念同車無衣念同裘一朝參商如豈不懷百憂初盟尙不渝在遠情愈周但願似夙昔烏用苦相求其兄子慎時亦爲儀禮序班帝數

命題試璲與慎笑語濂曰卿爲朕教太子諸王朕亦

教卿子孫矣濂行步艱帝必命璲慎扶掖之祖孫父

浦江縣志

卷之九

文苑

五

子並官內廷人以爲榮一日帝出內庫蟠桃核半片

大可盈掌命濂作記璲書之稱爲雙絕且言小宋字

畫道媚如美女簪花方孝孺極贊璲書謂如威鳳沖

霄祥雲捧日當時乞文於濂者必謁璲書之所著有

水簾洞玉兔泉諸詩編其詩排募妥帖與王紳稱葵

中二雋然頗爲書名所掩洪武十三年因慎罪連坐

死子懌字子夷奉母孝亦力學工書坐罪徙茂州建

文帝卽位念濂興崇舊學召懌入翰林爲侍書

張端臣字正卿恕長子與宋濂同硯席治書易禮三經

洪武初薦授本學教諭從子述祖應賢良舉洪武中

除保定府易州知州舊志科第門載述祖
中建文庚辰制科

樓真以文學知名洪武辛亥用薦者徵赴京師將官之固以疾辭歸朝之名卿顯人皆重惜其去相率爲歌詩以贊其行方正學孝孺題其詩卷稱其學優而行賢

鄭濟字仲辨濂弟也受學宋太史濂爲詩文多出新意所著隨燬不欲留藁書法得晉唐諸體洪武二十四年東宮缺官命廷臣舉孝弟敦行者尙書嚴震具鄭氏積行以聞帝特遣官簡拔其家年三十上者悉赴京凡二十四人問才德孰優衆以濟對遂授濟春坊

浦江縣志

卷之九

文苑

完

左庶子階奉議大夫日侍青宮獻替甚多後徵弟沂爲禮部尙書賜濟楮幣令致仕歸從子璉字允資歌詩俊逸尤工楷書與濟並稱士林

鄭楷字叔度淵子也與其弟棠栢等皆受業於太史宋濂善屬文工筆札太史尤器稱之縉紳推其學行達之藩府永樂初蜀王朝京師奏乞除王府教授授楷涖蜀王見之大喜有公來雪山重之語尊以賓師之禮賜號醕翁十餘年躬勤輔導終始不渝宋太史以誣坐西行次夔州而卒旅葬於夔家累謫居茂州楷啟王給道路費令太史之孫恪遷葬成都卽命恪館於

墓旁給田以供祭享楷自爲文以誌其墓久之王念楷年老奏陞長史致政還歸賜賚周至復睿書歸來軒織錦成文以賜之永樂乙酉同致政御史兄榦朝覲京師上嘉勞燕賞復賜爲善之書朝野以爲榮兄歿綜理家政以詩書忠孝訓飭子孫所著詩文蜀王賜名鳳鳴集門人私謚文誠先生

趙友同字彥如從戴良宋濂講究聖賢之學而尤精於醫術洪武閒領薦授太醫院御醫永樂初詔天下儒臣纂修大典遂擢友同兼編修官後以事左遷華亭縣學訓導

鄭棠字叔美涿子也棠兄弟皆以文章名時而棠尤善於馳論永樂丙戌用禮部尙書李至剛薦纂修大典書成吏部銓試第一除翰林院典籍掌文淵閣秘書時仁宗爲太子監國南京選該博儒臣更番進講且備討論典故棠與王汝玉等九人在選中棠每體程子崇政說書意言及政治仁宗屢首肯嘗命代祀先聖顧羣臣語其至誠秩滿陞翰林簡討後以風疾辭歸仁宗卽位入朝特加賜勞仍以簡討致仕給傳送歸所著有金史評元史評及道山集二十卷

周啟字中和自號浦陽江漁以文辭知名尤工眞行書

永樂召入文館與修大典書成擢中書舍人書誥侍
從幾二十年以老告歸詔令冠帶致仕同邑陳翰字
子同才學與政齊名同召修大典未授官卒

鄭勳字季建義門渭之孫也父挺長於詩賦勳才尤豪
邁見推於時或以其送仲父入蜀諸作達於獻王有
無愧盛唐之稱洪熙初叔父棠挾之入覲臺閣諸公
聞其名爭相延致欲薦官之高尙不就所著有怡雲
集若干卷族子逃字允鵬亦長於詩勳嘗作十臺懷
古詩論者謂可與吳師道作頡頏而逃所和篇尤雄
傑自喜

蔣大祿字天錫少穎邁於書無所不讀尤精毛鄭家言
嘗作變雅解爲後學司南以貢授遂安訓導慨然以
明正學淑人心爲己任士風丕變忤邑令署下考改
瀋府教授歸以郡邑諸大夫之請纂修邑志文直事
核於人物尤嚴去取一時稱信史所居七峰環繞自
號七峰著有七峰遂庠林皋等集及梅花三百咏行
世

傅宗佐字思治性敏慧七歲卽能屬文聲名藉甚遊成
均大司成甚奇之領萬厯辛卯應天鄉試甲辰困公
車卒於虎林之禪寺子良楫亦負才好學蚤卒

鄭總字師準父璽卒上猶官舍總年十三扶柩歸墓哀感行路長棄舉子業一意濂洛之學從陽明甘泉菴諸先生遊尤爲陽明所器每侍講退輒目曰鄭生經濟才也延會稽蔡我齋王方湖朱白浦於家相與討論賡和修舉冲素處士義規宸濠慕其名以厚幣來聘峻辭卻之未幾濠擒人服其先見侍御王公廉稱曰庶幾德行之科文學之列者其東明先生乎著有東明山集弟鐔國子生敦愛不樂仕進與總偕隱桐岡時號桐岡雙鳳

張一韶字尙成應槐子由邑弟子員入成均僻嗜書罄

產訪購積至數萬卷自刑法錢賦禮樂旁及方輿氏族星厯醫卜無不精究慨然以著作自負聚四方知名士與之辨論大義復縱遊三輔兩都岱宗闕里匡廬九嶷彭蠡洞庭嶺外盡交楚蜀閩粵諸名士自是文益雄邁作詩不專尙聲韻以議論爲主嘗曰儒者多拾殘瀋據成敗以論古人使生趣盡脫乃作咏史三百篇援引駁據率自成一家言又以世之爲詩不辨時代升降多循聲踵謬體格旣訛韻律全失乃著歷代詩章辨體樂府考題時建會跳梁插套諸虜往往生戎心乃著九邊圖考郡司李阮元聲數相從論

古作者優劣乃爲輯選金華文徵詩徵晚歲善病嘗
坐卧一榻中然不廢吟咏乃有病餘集統所著曰貽
燕堂集共三十卷熹廟中開史局詔纂修兩朝實錄
或以其名薦以病不果赴迨病革且死口不及男女
事惟以手定金元史未竟業爲恨雲閒陳繼儒嘗見
其集奇之曰此越州高士也爲誌其墓

張德嗣字昭服幼有軼材九歲能賦詩有更深月色閒
之句大父應槐甚異之長益淹雅奧博凡子史百家
道釋諸藏皆所精習恥爲無用之學如漕屯鹽鐵禮
樂兵農之類靡不確有成畫嘗語人吾得時而駕則

胥匡民社不則矢志著作風勵千秋甯能鬱鬱人世
偕草木同腐乎鄉闈獲首薦惜以過奇抑之豫章熊
人霖三吳路邁咸目爲天下士日與討論今古後以
貢入對大庭與試者以數千計拔萃凡三十人德嗣
列前茅將循庚辰例特賜進士不果所刻有說詩要
彙囊天閒記及山水音諸書行世

倪立昌字啟君尙忠孫也在母腹中卽失其父方生以
應繼出爲叔父母後年十五兄卒生母朱無所依而
誼不可歸晨昏周旋二嫠母動止恐觸其悲思刻志
力學期早達以顯幽貞爲人倜儻狷潔時季叔仁禎

仕禮垣泊若無與日偕張德行金漢鼎張以邁爲金石交考文準經論事酌史勵作經濟之業尤精春秋以經名一時壬午本房姚孫棐得卷喜極首薦主考欲次之力爭不可致冠副榜羣爲惋惜曰利鈍命也但負老母耳益奮志賞奇纂要手不停披取公穀左氏合胡傳爲參同復從閒軼他書者雜采訂証而以已見覈之標其異詳其畧正其附會凡八卷曰春秋衡會繼母終憤痛二母苦貞莫報鬱毒發卒著有香草園琴胎集與春秋衡共十四卷

張一楠字尙舟自幼卽思以理學爲己任訪求就正足

跡遍三吳百粵閒一時名碩如潘公人龍方公應祥咸折節下之所至問字戶屢常滿一楠設教務先器識重行誼性尤篤孝親死廬墓適忌日必三復蓼莪悲鳴涕泗門人皆爲感泣廢詩稱曰匪莪先生所著有四子口義易詩書春秋三禮孝經大指師友學錄若干卷

張應泰字汝來弱歲名噪雞壇沈酣經史博通諸子百家古文詞制舉藝無不精尤長於詩歌發士推爲前茅中秋闈乙榜者四終阨於數奇壯年一疾遂逝聞者惜焉

張一儒字上珍號服鄉崇禎乙亥拔貢次年保舉知州
自負所學不應詔爲文閣中肆外歸乎典雅嘗言文
以氣行氣以識壯而識以古堅非裕王充之才何言
衡古不饒桓譚之學未易論新兀坐一室緝繹不休
家無儋石謚如也晚取禮經周官合大戴白虎風俗
諸書標異參同著禮權六卷

張德暉字闇修古質敦茂動以聖賢視躬不讀非聖之
書至闕里謁孔陵慨然有高山之仰專精經史著諸
經纂要綱目條論十五卷丁亥拔貢入成均考授通
判終子以忠字行之英敏有文名

國朝

方舒字冠山朴貌古心閉門學道其遠祖巖南集散失
千里尋訪不憚跋涉四明鄭南溪重其爲人爲訪於
武林趙公千家得之所著有浦陽儒學淵源錄

朱鶴鳴字聲仲西隅人幼好學受經於邑耆樓澧澧淡
器之行文如風馳雨驟見者稱嘆喜爲詩以陶寫性
情又善書揮灑幾腕脫年十六入學十八食餼歷試
每居首徐中丞聞之羅入萬松書院院中宿學羣相
推重雍正丙午以禮記中鄉榜魁與子興燕同科歲
丁未

詔各州縣察舉孝義端方之士以備錄用邑侯秦以鶴鳴應選謝不赴會其子成進士授通海縣遂就養焉乾隆戊辰授台州府太平縣教諭以年老辭父亡事母甚謹友愛怡怡教授生徒多所成就卒年六十九所著有滇黔遊草雪蕉詩集若干卷

傅旭元字晉初邑廩生餘姚黃梨州高弟也好學嗜古以邑中先賢文集殘缺心憫焉會康熙閒督學彭命浦令重鐫宋集旭元請任鬻產爲倡而吳柳張諸集亦廣搜博訪而編次之得爲完璧又臚陳名宦黃坦及鄉賢朱君正鄭應朝吳尙鉉戴正傑張密諸人實

浦江縣志

卷之九

文苑

美

蹟請崇祀以勵後學皆義舉也所著有浦江文徵錄
獻徵錄

唐華字協勳通化人幼穎異九齡應郡試郡公奇其文歸益力學試輒前列年十九爲邑諸生授徒里中遠近從者甚衆歲甲子舉於鄉方力圖進取顧困於數奇公車八上不獲售遂究心詩古文詞於吟咏尤加意後選授餘姚訓導士爭以文就正口講手披不倦獲造就者頗多未幾卒於官先嘗講學浦陽書院一時文風丕振平生端方自持篤於孝友師歿無嗣墓崩壞卜地改葬又倡率同人捐金立祭以故人咸欽

服之所著有密齋詩文集

樓澧字松田廩貢生大溪樓人窮經稽古務爲切實之學凡受業者一經講畫皆中繩尺張以瑀朱鶴鳴皆高第弟子鄉試屢薦輒數奇不偶初萬松書院考課徐撫軍拔尤覆試肄業澧在選拔中尤爲器重季弟灝字季美天性篤厚弱冠爲諸生益勵志讀書慕古君子爲人之道後因事流寓江西德化縣郡守馮公課試得其文大加欣賞由是縣人咸師禮之其投徒一以存心制行爲本讀書稽古爲用著有舉業淵源一册言養心立行讀書學古行文諸法皆去私窮理

工夫養氣知言學問非身體力行者無能道其隻字後卒於江西乾隆戊辰諸友及受業者送柩與眷屬旋里

費懋烈字彥方北鄉獅源人也幼敏慧讀書數過卽成誦年十六入邑庠平居敦行不怠晚得歲貢不復以進取爲念布衣糲食澹然自適有餘資卽頒宗族中之饗殮不給及婚喪無措者人所有遺一毫非義不受也築小屋數間爲讀書所榜曰四可齋蓋寓願學孔子之意學者至則與論說經史終日不倦邑令聘主月泉書院講席始入院大書朱子白鹿洞教條首

講孟子一章剖析天人分別理欲眾皆悚聽自後每
遇講期諸生環列諄諄以聖賢實學告之聞者多興
起焉又掌教桐江以窮理爲急以敦行爲重以持敬
爲主曰此古人爲己之學也學者咸重之著有四書
講義

張可樸字泰卿歲貢生博學多聞凡閱書悉詳校無訛
其文經術湛深又善書得顏魯公筆意平素爲人端
莊厚重莫敢干以私歲癸巳薛令聘修縣志分輯山
川考核詳明至曹娥浦江是一是二下流入海入江
古今變易辨別精確

浦江縣志

卷之九

文苑

三

陳松齡字雪巖生而穎異九歲詠蓮花詩卽有聲譽長
從戴望嶧於太學爲述國子條教三舍六堂交相推
重乾隆丁酉拔貢重遊京師館於宗師王惺園家因
養親辭歸後主講吳甯書院性愛山水嘗遊仙都烟
雨澱水吳山到處輒留題詠重修邑志分輯藝文雜
志彙編金華詩錄搜輯邑人之詩性豪邁敦氣節當
時以詩鳴與金華方元鵬東陽葉綦稱爲三傑其子
浩然字逸橋能世先業工詩善書有乃父風著鳴和
詩存節錄朱西巖序

趙友洸字愚亭貢生自幼挾書卽能剖析訓詁逮長從

戴望嶧遊稱其文密栗奧峭迥脫恆徑修邑志分輯
食貨一門兼通醫術尤篤行誼家僅中產撥田十餘
畝入祠以分給合族赴試路費

楊德謨字文顯邑廩生天資敏悟甫就傅大父與解論
語弟子章卽轉詢成人不當如是耶遂服膺終身弱
冠入庠每作傳記名公稱其古調獨彈制行高潔生
徒曰盛如駱秀升胞弟德詠尤較著也修邑誌秩官
選舉皆出其手

潘德涓號屏山潘家人幼時星命家謂其不能堪儒冠
奮然曰士貴自勉耳命豈制人之學問哉既而入膠

庠益勵志讀書盡通五經之旨尤留心史學數千年
事畧可上口嘗按蔡元定律呂新書遵朱子以一小
圈置中間令可旋轉內書五音外環列數十層以盡
旋宮之義會場屋以律呂發策原原本本纖悉靡遺
房考奇之擬以魁薦數奇不售終老明經尤精輿地
之學自唐虞以迄元明都邑沿革分併皆手摹爲圖
某山某水厯厯如掌上羅紋嘗曰文字空談耳此吾
輩實學也及戴氏刻齊召南水道提綱成學者家置
一編無能卒讀者德涓乃按東西經度北極出地高
下緯度爲全圖一直省布政司圖各一江河原委圖

各一運河圖一西窮岡底斯北際沙漠凡書中編次所到無不有圖鉛雜沓校其分寸毫釐蓋坐小閣不接人事者十年圖成恭奉

聖祖御製全圖較之無或相戾者

節錄周盤洲集

朱式玉字清如城內人幼孤母勗以力學鈎章棘句冥思苦搜不肯寄人籬下戴望暉贊揚不容口稼軒錢公視學金郡奇其文歲科皆冠軍稱健遠奧衍當與章大力羅文止輩抗席餘子不及也充乙酉拔貢生至省會考一時名流無不折節與交 朝考二等需

次儒學教諭歸里後開館授徒經其指畫者皆淵謚

浦江縣志

卷之九

文苑

四

有高格式玉狀貌整飭善談名理喜爲詩有大歷十子丰致在都門奇其才者共爲挽留以二親未葬歸

年四十二而卒

本朱西崖集纂

黃汝廳字素菴自幼好學弱冠補弟子員旋食廩餼鄉闈屢薦不售以明經終家素豐購書數萬卷日事丹黃寒暑不輟喜彈琴詠詩又工書得名家意著有素

菴詩鈔二卷

本周璠戴聰傳纂

樓中元字雅軒縣城北隅人己酉拔貢需次教諭天資穎異甫入塾卽知講解家貧兼習農事而勇於自課年十四入郡庠發憤讀書無間寒暑試輒冠軍學使

朱石君按臨與東陽樓上層同登拔萃謂得此二樓
直一時瑜亮也顧數奇不偶教授終身學徒甚眾富
春桐廬暨陽及吾浦有志之士嘗接踵其門皆成名
以去晚年家稍裕諸生欲奉觴爲八旬壽毅然力辭
命其子曰予以硯田所積得藉手以療人飢寒於願
足矣至捐修文昌尊經等閣則毫無吝色孫廣慥淵
源家學登甲辰賢書亦能繩其祖武云

王祖焯字蔣巖三雅村人也幼好學寒暑不輟每日讀
書自爲手記辨論考證皆極精當積久成帙與身等
有詩書易禮經解春秋三傳測議胡傳翼南北史纂
若干卷又有詩書諸子論說及日知雜著詩古文詞
若干卷焯負文名一時無出其右學使汪廷珍特賞
之充丙子優貢旋舉於鄉丁丑成進士

廷試日盱眙稿未完竟以歸班銓選旋丁內艱座主顧德
慶視學江西禮聘襄校以疾歸卒於廣信舟次年三
十六祖焯兄弟七人俱能文其五弟祖斌字芸巖丁
酉舉人生而目光有芒讀書數行下性沈靜寡言笑
博通經史授徒著書從學者至舍不能容其學問蓋
不亞於焯云

洪鶴元字東臯歲貢生邑之東隅人幼穎悟逮長益好

學沈浸經史尤精選理古文力追歐蘇詩則出入風雅學使竇光胤按臨金華稱其學業醅正工書法酷類歐陽筆意生平行誼可稱人矜式之年八十邑侯彭志傑聘主月泉講席以先民矩矱爲後學津梁著有自怡集西湖雜詠松竹居雜著等書惜兵燹後稿佚

戴殿海字瀛三劍溪人幼好學長與弟殿泗同游齊召南之門充嘉慶丙午副貢歷任杭嘉甯台處等學官阮元視學浙江崇尙經古檄殿海總理文淵閣及紫陽書院并領經史局事及元撫浙倚任尤重浙西連

歲荒旱賑饑資其贊助壬戌癸亥間浙東大旱繼以水災暨浦二邑尤甚元撫撥米數百石委以散賑時窮民因饑騷擾官不能禁變在旦夕殿海急請調龐水令張吉安攝浦篆擒治數人二邑帖然後歸里日以文籍自娛性喜刻書手校精善士林推重焉著有鑑溪詩文集

周爲漢字嶠東又字倬雲父能珂官甘肅山丹知縣甘肅邊地少文學無錫楊農部芳燦知靈州見其詩文極稱之因受學焉旋游京師所交益廣詩文亦日益進然竟無所遇反甘肅而父卒兄心如官粵西爲漢

獨力任喪事以此得病先嘗援例爲縣主簿非其所願故終身未謁選性狷急每面折人過以此不滿於人而人亦以此重之會心如題補粵西往探之行至武昌病卒於旅次年四十人載其柩於塔坡里附葬父墓側焉著有枕善齋集十六卷其詩刻峭雄肆大約出入玉川長吉之間張船山題其詩集有奇情真過我大敵僅逢君之句爲漢之學於此可見

據婁縣姚椿晚

學齋集纂

賈應鴻字雕珊旌鳩人性穎異博覽羣書尤善吟咏嘗構錦香樓與弟應淮兀坐其上縱談經史商推古今

浦江縣志

卷之九

文苑

聖

人物每當重九節當邀曹開泰鄭姬山諸子登樓宴會縱酒豪吟著有錦香樓集應淮字槐珊廩貢生才思橫溢笑過同輩從張大勳先生游深爲所器精究詩書彙先儒各說而折衷於一是友愛尤篤與兄同案席未嘗相離六旬初度以侑觴之金甃雞冠巖嶺道數百丈行者便焉子思暉道光癸巳舉孝廉

纂輯張可

向張汝房傳序

陳郁字雪樵恩貢生在城人幼穎異長詩文試輒冠軍朱興悌主月泉講席與張邦蓋汝房信符大勳樓叔良朱檀洪鶴元項振元爲文酒之會分題刻燭鬪險

搜奇一時稱爲盛事郁嘗謂作詩貴性情名教之所
係焉有關於倫紀風化者莫不於詩發之著有雪樵

詩鈔二卷

纂錄戴聰樓
鴻應傳序

樓鴻應字陔農歲貢生父叔良嘗與其兄中元試北闈
周東屏都憲館諸家稱其品行不置卒以明經老鴻
應垂髻應試必列前茅年十七以冠軍補弟子員越
一載食餼諸子百家無不淹貫及門之士多膺選拔
登科第者邑中彙旌節孝悉心採錄咸出其手他如
文廟書院節孝祠十三賢祠或修或建皆賴勸獎之
力爲多而於家庭尤孝友可稱館穀外不妄取一錢

浦江縣志

卷之九

文苑

四

有餘以賙貧乏道光間英夷騷擾以書生不習干戈
之事而抱杞人嫠婦之憂乃輯史漢唐宋涉兵事者
書錄八卷以資警戒又著陔農詩草二卷

朱檀字鶴臯邑廩生與悌子奮志讀書爲文中理法鄉
闈七薦庚午科擬元仍不售遂絕意進取以詩文教
門下士一經指誨皆中繩尺晚年尤好易著周易闡
義四卷爲人厚重簡默所交友有過必規有急必赴
宗族中情誼尤篤誨子嚴而有法卒年五十七子寓
乙酉拔貢好古善詩畫有才士風宴禱皆明經士以
文行著稱孫承綺辛酉拔貢舉孝廉方正

黃旦字曉樓合溪人嘉慶庚午恩貢性剛介與人坦直無所隱不求媚於時俗凝然以古道自居晚年少得意事其牢騷抑鬱常寄於詩古文辭惜多不自存今只存曉樓遺稿一卷

陳寶珊字少園邑廩生少好學質頗魯逮長刻意研究豁然有會年四十讀儒先性理諸書盡得其要領遂棄舉業一以主敬爲本不喜浮名手錄性理要言十餘冊爲返躬實踐之資與獅源鄰里開崇朱素契其人貽書往還互相切劘其學問樸實人多稱之

費崇朱字敬廬獅源人也邑諸生弱冠嗜讀濂洛關閩諸書凡學問純駁辨之甚明而一以考亭爲法聞與化劉熙載講道滬江之龍門書院往從之得其指授益歸切實時倭相國仁吳侍郎廷棟竝精理學崇朱致書研究窮極閩奧及得答書則皆謙抑而喜其造就之粹永康應寶時赴都謁倭相猶問起居而崇朱死矣著作俱見藝文部

戴蘭疇字介村道光丁酉拔貢生世居馬劍襟懷豁達篤於內行與人交熱腸古道始終如一中州劉芥舟司馬宦於浙與契洽最深亡後其子孤露無依爲經畫區處俾得扶柩遠歸其高誼類如此性尤急公好

義凡有善舉銳身肩任匪後會垣開節孝局邑城設局賑饑咸司其事生平設教授徒從游日衆而於諸邑尤盛主講毓秀書院數載文教振興問字之車常滿外此設帳於東西鄉者歷有年所以故浣水之間生徒殆遍采芹食餼登科第列仕版者指不勝屈卽再傳弟子亦皆噓植成行而又和氣謙光不立崖岸好獎人善卽薄技片長每稱不絕口至若箴規過失於不慊心之事如鯁在喉必吐出始快人之受之者初若相拂迨境過時遷卒感激愧奮諒其心之無他爲文灑氣精光相輔而行尤長於古文詩詞課徒外

兀坐揮毫手錄簡帖幾於等身好學之心老而彌篤歲戊子檄署台州教授凡有裨學校者諮於當事擬將興舉惜攝篆僅三月不得竟其志卸任家居歲餘卽歸道山易箒時喻家人努力以綿先澤遂口占天機變動近黃昏之句含笑而逝享年八十

義行

管子曰倉廩實而知禮節浦邑地磽土瘠時有鮮民
賴好義之士振廩救饑解囊蘇困更或捐田置產壤
錯勝連似輕財而非俠能儉奉以濟人雖其多寡不
侔事為各異要皆鄉里所稱為善人者志義行

鄭良裔

黃裳

鄭淮

傅光

柳金

吳謙

鄭樵

張一甯

吳文秀

吳壽孫

附吳仁

吳志德

吳允和吳允
權吳緯附

張天理

張元傳

費大高

戴正傑

鄭思俊

鄭璧

張以玢

黃方遠

浦江縣志

卷之九

義行

趙必仕

潘玉文

朱可賓

附錄黃以森

陳承瓚

周啟震

王繼廉

李承禮

傅紀堂

金芳美

金芳槐

張邦陞

黃燮

沈聖禮

李照

張邦闡

周玉潤

吳大典

宋

鄭良裔邑名進士也平生力學臨事身義當孝宗淳熙
九年朱子奏勸浙東災荒勸諸路州縣人戶獻助米
斛搬運至紹興府糶濟良裔獻米二千石準淳熙八
年十二月指揮推賞補上州文學時獻助者四人良

裔其一也夫損己益人桑梓猶難之又況波及隣封
乎易曰屯其膏施未光也良裔之施光矣其見獎薦
於朱子也宜哉

黃裳字元佐穎悟嗜學名稱詞林而尤敦行誼嘗讀范
仲淹義田記遂捐常熟田二百畝儲租以濟鄰族置
籍計其出入告急者卽賙之名之曰希范晚第進士
調三衢司戶暇日與士友觴詠爲娛有詩文數百篇
郡守朱士麟稱其儒林模楷前輩典型薦奏於朝未
報而卒長子從龍次友龍皆登進士第從龍官至節
幹文學行義見稱於時友龍擢史館編修孫璘咸淳

庚午中文武兩科琦元以儒士舉爲武毅縣學教諭
裳弟夢弼亦登進士官至西京節幹姪震龍仲龍又
皆登進士姪孫珪元以儒士舉爲月泉書院山長科
名之盛黃氏幾冠一邑矣而其先以義行開基豈非
積德之報昭昭與

鄭淮字巨源麟溪鄭氏始遷祖也鄭之先望出滎陽自
北魏鄭白麟十六傳至凝道爲宋歙縣令居於歙凝
道生自牖由歙遷睦自牖再傳爲淮更與其二弟由
睦遷浦陽之感德鄉靖康時歲饑淮鬻田千餘畝以
活貧民民因號其所居曰仁義里淮生照照生綺自

綺後世世同居皆別有傳

傅光字子溫秀弟也仕爲諸王宮教授未幾退歸田里方臘反縣民多託之爲亂任士安統兵至怒甚欲盡屠之光適與任厚往諫之曰亂者惟通化一鄉餘皆良民將軍奉朝廷殺賊耳奈何延及無辜任悟遂如其言

柳金字時聲父補之宋廸功郎崇德縣主簿金擢咸淳三年右科進士第爲高郵令宋季城寶山民倡亂火金所居官欲盡斬之金惻然曰此豈其本心哉第爲飢寒所驅耳乃白戮其魁餘悉縱不問眾感金造室

浦江縣志

卷之九

義行

三

廬還之至元時以子貫貴贈奉訓大夫淮安路泗州知州飛騎尉追封浦江縣男

按省志作柳森森貫六世祖也無事蹟其爲高郵令者乃貫父柳金也省志誤

元

吳謙字仲恭世業儒父蜚聲宋秘書省較勘文字與謝翱友善翱寓謙家尋卒無嗣謙經營喪葬刻石誌墓復輯士友哀誄爲哭謝編時人義之

鄭樵字孟良元季新城之役責於大家不卽完者築土中東門要衝功最大旬日欲就皆相顧失色樵毅然率家眾任之己以工緩築土中幾及胸矣鄉里聞爭

持土石來助得以免

張一甯字宗望邑平安人篤於孝友讀書務求大義不爲章句之學立義塾延名師以訓族人子弟如謝翱吳思齊黃潛以及方鳳吳萊柳貫諸名流皆先後羅致之家素雄於貲性復慷慨凡義所當爲千金不少恡至元時建文廟及明倫堂身任其役不以煩官又嘗獨建太極宮及洪溪陳侯廟其他津梁道路修築以便往來者不可枚指歲癸巳邑大祲作餽粥以食飢民一鄉賴以全活其喪不得葬病不得藥貧不能自存者靡不賙給之生平累行積德嘗以虔禱感

格神明出雲雨除災捍患以庇其鄉及卒鄉人圖像祀之有禱輒應焉

明

吳文秀字啟明有膂力習騎射兵法元末寇盜縱橫秀集鄉人累石爲砦以捍井里及明兵取紹興率眾歸附以計開錢清濠兵遂大捷勅免其家差役旌其義後授宣武使卒於家

吳壽孫字伯榮見義勇爲會鄉民有陳五陳物者悖逆殺人諭諸子弟曰鼠輩恣肆不軌罪不容誅捕送於官有司旌其義具其事以聞鄉人稱爲新塘義士次

子仁周人不吝戊戌冬明兵下婺寇猶竊發仁集鄰人置砦縣境賴其保障旣而築室於新塘之椒山宋太史濂扁曰施惠菴人稱惠翁

吳志德字惠卿幼尙氣節從祖直方深器愛之元季盜起志德與蔣鏞協謀率義勇保安鄉里明師下浦江率眾迎謁留麾下從取諸暨及處州皆著勞績戮僞將獻馘轅門以功授浦江翼左元帥尋以疾辭歸志德與兄志道友愛甚篤誓不分異傳及五世皆同居子允和允權皆以才行稱允權子緯字克文事母盡孝齊家有法家被火延及祠堂志德先營建祠宇而後構其所居人以爲知所先後云

張天理字惟正疏財仗義賴以婚嫁舉火者恒數十家里中有紛爭得其片言卽解釋不忍復背亦竟有望其廬而反者嘗隱白石山中撫絲竹自娛能詩歌工筆札人稱爲白石居士

張元傳字伯嚴治身兼治春秋後得疾無復仕進意率託情於詩酒多隱德喜施予見貧乏者恒焚券遣之人方之殷堪彭永云

費大高邑西隅人輕財好義族中有生女而欲溺者命妻往舉之彼不許且曰吾舉吾育吾嫁焉遂懷歸撫

養既長爲擇配具妝奩以遣之視己二女無軒輊夫
溺女浦做俗也視骨肉不啻雞豕大高乃能拯族人
之女以育之又如己女以嫁之則與鍾離瑾嫁前令
之女不同一高誼哉

戴正傑昆第四人分爨之日不較家財崇禎丙子浦邑
大荒買穀八百石散給饑民全活無算族中無力卜
葬者爲買地於金獅嶺下立爲義冢復捨山木爲棺
槨之具創建本族祖廟祀產以備丞嘗又於廟側構
家塾六間別設義田二十畝收租以給族之貧而不
能力學者見賢宮傾圮捐金倡修後以子夢熊貴贈

中憲大夫

國朝

鄭思俊字學英事親以孝聞與伯兄同爨事之如父有
事必諮而後行撫諸姪同於己子邑有義塾延師教
之歷三十年無倦色性好施予捐文武應試路費田
一百畝又捐田三十畝以爲修葺學宮資他如置義
冢施藥捨衣至今子孫猶繼其志祀鄉賢

鄭璧字一上義門後也璧奉家範惟謹親喪廬墓三年
其父思俊常念浦邑僻處山陬諸生應試者艱於資
斧遺命籌之璧遂捐田百畝充合邑諸生科舉路費

於族更別置田給之至修葺文廟捐田以供歲修皆能善承先志且建宗祠設義塾築橋梁立義塚歲旱散米六千斛賑貸雍正元年舉孝廉方正奉文給六品冠帶送部引

見以老不赴卒年七十有六

張以玠字坦齋邑貢生東隅人倜儻好義不吝資財家世業儒於單寒士尤加意見義門鄭氏曾捐鄉會試義田心甚嘉之因捐腴田五十畝爲諸生歲試路費前學憲竇按臨金郡給匾嘉獎并飭於明倫堂勒碑垂久

浦江縣志

卷之九

義行

七

黃方遠字洵詹合溪人幼能文邑試常冠軍後補弟子員屢赴棘闈數奇不售援例入成均生平孝友性成愿慤自守家素豐而自奉頗儉然遇一邑一姓中有大興作則又踴躍爲眾人倡自葺宗祠修宗譜而外如捐金以新黌序助田以作歲修月泉浦陽兩書院創興復割腴田以資膏火皆其大焉者也他若煮糜飼飢指困濟困以及橋梁道路待以措辦者不可枚舉亦可謂勇於行義者矣

趙必仕字書升南隅人弱冠能文有聲庠序性孝友父病割股以進父疾獲痊後享遐齡生平心存濟物遇

事勇爲宗人有貧而鬻身者急解囊贖回給資歸業
終無德色康熙辛丑歲大祲邑侯邢令董賑濟之役
必仕助資易米載歸以賑闔邑沾濡邢侯給匾旌之
他如贖學田建書院無不身先倡率竭力助成其慷
慨好義類如此

潘玉文字若一嘉興鄉人以例入成均端謹誠慤孝友
推於族黨性復慷慨好施予凡邑有義舉必率先爲
倡曰我非巨富而爲此者將以互相鼓勵無使公事
沮抑耳生平喜文墨士每行閭巷聞書聲必徘徊
良久乃去邑中有捷音至雖其疏交聞之輒狂喜折

屐語其子弟曰此閭里之榮汝輩當欣慕之浦陽童
子與試者不下千人距府稍遠單寒往往却步而邑
中鄉會試歲科考諸義士皆捐有路費田產惟童試
獨缺玉文念千里之程始於跬步新硎初發亦欲稍
助其資因遭疾未果臨終囑其子若姪曰能成我志
吾目瞑矣子公選姪開運遂奉遺命呈請捐田百畝
公舉誠謹士經理而散給之 各憲俱褒獎焉

朱可賓字瑞恭政內鄉人以例入成均性敦孝友而又
勇於行義凡邑有大興舉靡不踴躍樂從歲辛未邑
大祲餓殍載道可賓憫之捐囊金三百兩買穀以賑

嗣邑侯改建學宮創修書院均不吝輸重資以襄厥事他及道路橋梁多所修築行者至今感之遇親隣貧乏力爲賙恤而於寒士尤加意焉嘗念鄉會兩試路費雖經鄭氏倡捐但人多費少支給未充欲割膏腴共相資助會疾作未果臨終囑其子曰此吾素志也爾輩慎無忘爾父遺訓今杭口坪田莊園地百餘畝皆其嗣子之理等所遵命樂輸者也其慷慨好施蓋終身不倦云

〔附錄〕黃以森潮溪人向賈於杭遂家焉爲人悃悞無華克敦鄉誼凡浦人之往來於杭者樂於延接甚

或飲食周給之尋以潮汐多阻行者苦無止息之所爰捐金爲倡建金華會館於江干婺人咸稱便焉

陳承瓚字荆山巖頭陳人也邑諸生篤於友愛兄弟六人析產讓肥受瘠嘗曰士之所重在敦宗睦族擁素封而一毫不拔者守錢虜耳嘗捐田入祠爲合族應試費伯兄議創文昌閣爲士子肄業所艱於費瓚慨然飲助以歲事里有貧不能婚葬酌所需以濟他如重修浦陽書院經義堂節孝祠及橋梁道路悉捐金以成善舉享年七十九子及孫曾六十餘人遺休勿

替焉

本朱西崖
文集纂

周啟震城西隅人事母以孝聞有負官逋嘗婦者代輸以免遇歲歛賑米煮粥以救飢民他如衣衾棺槨尤施之無算邑侯上其事於上憲賜匾額獎之

王繼廉字德隅深溪人歲貢生其兄繼章因旱與人爭水誤斃一人訟庭讞鞫廉與兄爭引罪令奇之以廉文弱坐其兄揮廉出猶曉曉辨不休後兄蒙赦歸兄亡撫其子俾成立他如清祠田以修歲祀積餘帑以創譜田捐己產以資考費與文會以課生童其義行津津在人口諸孫多躋科甲咸謂積善之報云

浦江縣志

卷之九

義行

十

季承禮字際嘉甘畝山人幼習舉業落落有大志比長出就外傳尤折節讀書卒以數奇不偶事親順志處兄弟怡怡友愛婦張氏方氏皆有奩田數畝及卒悉反岳家家非素封遇親朋厄難輒解囊不吝有借貸者署券爲信能償則不却不能償亦不責負積數十年券紙層疊喟然曰多財爲累吾焉積此以沽禍乎遂火之郡守楊公聞其行誼舉賓筵力辭不得年七十四卒

傅紀堂傅宅前西人樂善好施嘗以千金重建白馬橋復捐金買船置產爲新橋渡助地爲義塚錢千餘兩

田數畝爲宗祠費

金芳美監生後廬金人嘗捐三百餘金修節孝祠又邑中浦陽書院經義堂文昌閣考棚鐘樓邑廟以及宗祠均各捐田與銀以資修助乳母張氏夫婦貧老無子養之家中二十年棺窆外復捐產以爲祀人樂道其善行云

金芳槐郡庠生家僅小康叔老而無子叔祖季叔母老而孤皆迎養於家待之二十年不懈親鄰婚嫁有不給輒助之不責其償親友亦多受其惠焉

張邦陞孝門橋人職員家素封慷慨樂施嘗捐金獨建

考棚正廳及東山亭捐地爲演武場捐田爲月泉書院飲費凡橋梁道路無不捐輸中年後每屆壽誕給粟散貲以濟親里之貧者人咸頌之故至今子孫繁衍爲一族最云

黃燮字柳圃芳地人郡庠生勤學好義乾隆間曾祖昌期捐修月泉書院及道光丁亥剝蝕摧殘燮獨任捐修造復爲增建中庭祠廳以祀朱呂二夫子及先哲賢侯并捐田若干畝以充膏火凡祖祭義塾族人考費均各捐資與產以成善舉子幾且性孝友克承先志嘗捐田飲月泉經費捐金獨建村右石橋其他所

造石橋不一而大坂之同樂橋尤不惜千金獨任其功遇歲歉率弟侄捐錢千餘兩糴米以賑每歲臘終貸穀以濟族中貧乏他若尊祖敬宗之事以及郵亭廟宇無不踴躍樂輸人咸稱之

沈聖禮下宅溪人凡通衢大道崎嶇者坑道嶺道峻險者皆出重金修築之其田畝多在嚴之建德故嚴郡修城垣助八百餘金修嚴郡書院亦助田三十畝遇饑荒散財賑饑人咸受惠焉

李照字西亭例貢生書村人以務本節用起家爲邑巨富性慷慨在族中則助祭產譜田以贍宗族又見貧

不能娶死無以葬者助產於祠中以分給增建考棚獨造中庭歲旱出粟賑饑在邑之通衢如塔下寺醴香寺等處悉助茶田數十畝以施濟邑廟東嶽行宮助田以資歲修至外翁母舅之嗣各助田以立祭他如造橋梁砌官路種種義行不勝枚舉云

張邦闡七里人家小康慈愛性成凡親友有娶親喪葬并急難者借貸輒與之無吝或己資不敷又將產業押銀以付之恒以爲常借者如貧乏不克償卽鬻己產以償之由是家計日落外人有菩薩之稱又好讀書令二子就學脩金特加厚後二子均得成名

周玉潤通化鄉人例貢生幼孤祖父撫之成立性儉約
獨好施嘗出錢八百餘緡造濟蜀橋田三十畝錢百
二十千助通洲橋遇歲歛捐金二百以賑飢者他若
濟貧窮平稱貸修廟亭道路及助祠祭產種種義行
不勝枚舉至被竊攫去金千餘里人追還不納悉以
給諸追者人尤稱其大度云

吳大典字恩錫前吳人邑武生例授營千總嘗爲武教
師學徒甚眾不受脩金邑中修造考棚不敷獨造八
間遇歲歛出粟二百餘石以賑飢民咸豐庚申獨捐
軍餉千緡郡修試院與修郡庠又先後各捐四百金

當事屢請獎給匾額職銜至捐本祠歲修義田譜田
孤絕祀田及造橋修路諸善舉未可一二數辛酉秋
又命其子上騰等集團禦賊以衛鄉閭其義行誠可
風云

隱逸

少微星有處士之名終南山有捷徑之號行藏之際
難言之矣然而京洛塵中車如流水巖阿寂寞從古
如斯浦邑富佳山水領其趣者得二三隱君子剪韭
摘菘烹葵煮蓼日徜徉於其閒乃不使草堂靈笑人
俗狀耳若其本無雅抱猶有名心方為歧路徘徊漫
說白雲留住者則亦無取焉志隱逸

何敏中

陳夢睿

陳禮附

柳貞

鄭鑑

黃繼瀾

黃東晞黃東晟黃東曉附

鄭柏

朱廷剛

傅宗誠

張應唯

張德行

張以邁

浦江縣志

卷之九

隱逸

一

宋

何敏中字元功世家太末其遠祖延壽始來遷浦陽敏
中自少學易恐飲酒廢事終其身弗御與梅執禮交
甚洽每有疑難相與論定之郡縣察其賢將以八行
及遺逸薦辭敏中素仁厚游太學時同舍生方位卒
敏中鬻行橐持其喪歸鄰州寇起將壓境敏中攜家
避山中比鄰從者以百數道遇擁又來者眾相顧泣
且死敏中出告其酋酋大呼曰此浦江何公也吾昔
為尉所縛藉公一言而免是嘗有恩於我者不可害
不可害即命兵護出之

陳夢睿黃裳母弟也裳舅陳氏無嗣出爲其後以明經登第授廸功郎上書論邊事廷議不合卽解職歸隱田里子孫世皆儒業七世孫禮字敬夫洪武中有司以通經貢於朝辭疾不仕人謂其有祖風

元

柳卣字致明貫子爲兒時莊重不佻壯益端凝簡靖貫遊宦中外家政悉寄於卣能井井有條撫世接物一歸於誠內翰杜本修撰張樞極推許且謂其不艷榮利有古逸民風浙西部使者辟爲書吏辭繼以薦署紹慶路學正亦辭大布寬衣徜徉泉石閒超然自得

浦江縣志

卷之九

隱逸

二

浙東憲府余闕行縣過其家深加敬禮退語人曰待制公有子夬元季兵亂卣抱先世遺文潛伏巖穴餘悉不問未幾家資盡於盜卣絕無憂色人慰之曰此亦命也徒憂將何爲卒於至正己亥子穎字信之官永豐尉

鄭鑑字景明文嗣子資性端慤不事表暴遇人一本於誠早師方鳳讀書務明體要精於詩夷淡淵永部使者薦其文行授衢州路江山縣教諭不就居田里閒泊如也生平無他嗜好惟聚書數千卷蓄古法書名畫歷代金石刻甚富築別業蒔花種樹引賓朋相羊

其閒行酒賭詩竟日乃罷善行草遇人求書當微醉時欣然命筆題署大字人以爲酷類張溫夫至太閒朝廷旌其義縣長忽都魯沙敦武舉觴屬鑑曰中朝此舉褒其既往而勸其方來子長且賢振而起之繫子是望鑑以此感激自勵處宗族益禮義周至卒於至正十年有正齋文集五卷藏於家

明

黃繼瀾字良靜幼篤學有大節嘗負笈從四明向培竹遊聞父喪馳歸遂痛悼不欲仕進教其子東晞東晟東曉咸醕謹禮讓有萬石家風東曉仕真陽令多循

浦江縣志

卷之九

隱逸

三

聲

鄭柏字叔端貞義處士洧子也力學耽經受業於朱長史聞考亭之學以究性理之旨既而學文於宋太史濂太史教之作文必以六籍爲本明乎理以充其氣而以孟韓歐陽爲宗凡所爲文必令繕書以酬應所求及太史以累入蜀歛所著以授柏有付子斯文之屬旣以父代兄死難哀毀嬰疾無意進取縉紳朋舊每欲推薦輒以疾遜謝惟寤寐經傳潛心玩索以眞知實踐行之於己而以孝慈友弟勸率羣從注善藥以施人至老不厭或以其名達之蜀府王問其兄楷

楷稱其疾以對王顧左右曰叔端可謂清逸之士矣
人因以清逸處士稱之晚年著書有聖朝文纂文章
正原續文章正宗金華賢達傳進德齋藁子姑才學
有稱

朱廷剛字天德孝子克成之子嗣其父能孝且友敬禮
師儒好讀書自六經至子史無不通究尤深於易善
撰著習晉唐書法家藏遺帖甚富敦義睦宗手定家
譜生平不妄言笑正己率人學者稱爲九峯先生

傅宗誠字思明弱冠補邑庠生屢應鄉舉不就絕意進
取篤志六經要旨著易簡說及詩書春秋禮別什邑

令須李莊三侯俱雅重焉

張應唯字汝契少好奇畧萬厯甲寅繇成均參藩陽軍
事數覽山川險要上書陳建兵情形督撫張濤直指
張五典僉才之以格於常資不能用途拂衣歸口不
及兵事惟以花鳥詩酒自娛書法善二王體喜爲人
書世外事自署爲清樾逸叟而不名享年八十有三
張德行字用之號潮漁祖父世通顯德行少好學嗜古
累試輒冠軍爲學使者黎博菴王園長所賞拔行文
奇峭奧闢不肯曲徇時好每省試或告以抑鋒毀穎
徇俗詭隨者德行笑應曰取舍命也吾欲騎龍玩鳳

翔嬉雲間非狐兔燕雀所與謀也終不改故屢試未
售崇禎癸未以明經首選應詔廷試授戶部江西司
主事會鼎草家居杜門著述一以蹈襲爲戒氣體絕
類杜陵昌谷所爲序記詩賦俱警雋年七十而卒有
嘯雲館文集行世

張以邁字月征號匡廬應槐曾孫幼聰敏弱冠舉於鄉
癸未成進士任中書舍人冊封江西會鼎草屏居縣
北顏其堂曰綠香有慕綠野香山之意詩酒自娛不
與戶外事客有言時政者輒以醉不答閱二十餘年
以病酒卒所著有南州集沈水草匡廬集行世

方技

吳生龍甲摩詰朝川以至和之於醫輅之於卜郭氏之錦囊宏景之秘簡類皆專門名家神乎技矣乃方名術數浦志寥寥求之百年間亦不多得豈其名之湮沒無傳歟抑魁奇磊落之士務其大且遠者而不屑爲小道可觀歟謹因其舊而稍益之不敢以繫方肘後卽云抱朴復生垂簾市中便謂君平再見也志方技

趙良本

戴士堦

戴思恭

戴思澗

傅子鳳

王稷

王宗臣

王守畴

宋家佐

子泉附

浦江縣志

卷之九

方技

一

元

趙良本字立道其先出宋周王元儼至良本十世矣六世祖士翽爲處州兵馬鈐轄高宗時來遷睦士翽子保義郎不玷復自睦遷浦江良本從學吳萊通經史大畧不喜專精章句有得於心輒見於行事妹歸樓氏喪夫二子楨楠幼弱樓族利其貲欲以計奪之楨愬官未報天死長老有憫是婦子者爲言於官縣擇可託孤者皆曰莫賢於良本縣籍其貲貝土田符令主之良本視孤甥如己子旣長授以其籍絲毫無所私柳貫命從朱震亨遊震亨儒者兼通醫術嚴毅不

許可庸俗士獨喜良本盡以術授之良本曰吾欲及物而患無其道今得之矣遂發其術活病者竄人來問藥與畢麾去不受價某御史聞薦於朝授以醫學正不就顧子友昌且長遂以家事屬之闢一室以居自號太初子研摩養生之說朝夕粥一器不御醯鹽蔬蕪盛暑不舉箆烈寒不附火踰三十年鬚髮不少變人望之以爲真神仙人而良本亦若有所自得人莫測也忽一日曰明日良吾將歸矣取筆與簡預書歛葬儀至日晨與正坐啜一食歛手瞑目撼之則逝矣時洪武六年二月其壽七十

戴士垚字仲積九靈山人良之兄也母病久不瘳凡醫之知名者迎致殆遍所用藥餌大抵皆附子靈砂之屬治益勤疾益劇後遇義烏朱彥修始知其藥之非圖改治而母病不可爲矣士垚痛迫旦暮號泣幾不能終喪旣而曰吾母不可復作而他人之親庸醫復持是殺之不亦慘乎乃悉取素難等書讀之復奉幣就彥修質其疑盡得金名醫劉素完張從政李果三家之說不數年名動吳越有不遠數百里來迎者士垚以脈證形色定人生死治不治輒先喻日期百不失一二至是益知母死之非命寤寐修省怨悔內積

晝雖強顏接人夜則咨嗟流洩衾枕爲之盡濕如是者十餘年而以痿痹病卒士垚自幼知讀書喜作唐古體詩工晉楷法陰陽卜宅相墓諸術亦往往精到而最善於醫用是以名

明

戴思恭字原禮聞義烏丹溪朱震亨得許文懿公道學正傳乃往執弟子禮受業其門震亨一見奇之悉語以濂洛授受之懿閒及醫學諸家要旨悉洞其妙洪武中徵入朝將屬以太醫院事原禮以老病辭授階廸功郎職御醫高皇帝大漸同列進藥不稱旨者皆

浦江縣志

卷之九

方技

三

麗於辟獨指原禮曰原禮仁義人也慎無恐永樂初超拜太醫院使旣授職以耄不任事屢請乞骸骨許之頻行諭原禮曰朕復召汝汝其來也旣歸家甫旬餘以疾卒勅命行人諭祭於家御製祭文褒獎備至戴思溫字原直洪武時人少嘗以醫術出游吳楚東沿淮泗至齊魯往來公卿閒虛左而俟束帛而迎者不可勝數其志高而氣盛每酒酣談論雜以嘲笑鋒穎橫出意氣蓋一座旣而自少其所爲究心聖賢之書謂易之遷善改過莫善於益以益名其齋而日自斂戢朋儕會集各吐所長原直恂恂然非切中道理不

敢發一言於是士大夫不徒重其術之精而欽其德之進方孝孺作益齋記美之

傅子鳳鄉賢柔之裔也醇謹而孝於親母得危疾廣延醫者罔效乃自取仲景叔和諸書夙夜精思其理侍寢調劑四年得瘳母獲壽考因其術勝四方人咸以疾請療子鳳診視如見肺肝授藥有奇驗相延者不計貧富貴賤雖雨夜必往且多設百種丸劑以拯窮乏蓋其志在救濟不以其術爲利也一日忽自診曰天之限也遂遍辭親友越二日卒人稱爲岐山先生

國朝

浦江縣志

卷之九

方技

四

王稷字肇周深溪人雅素恬靜怡情山水閒尤酷嗜丹青下筆時深入虎頭之室閒游京師名公巨卿求眞跡者屢且滿都下一時爲之紙貴以不耐塵囂遂拂衣歸幽居一室中不履城市興酣輒濡筆和墨陶寫其性天他無所好也邑侯黃高其品手書一傳以贈題爲清逸處士云

王宗臣字道輔深溪人邑廩生幼習儒業有聲庠序閒復旁通青烏之術得郭景純楊筠松兩先生之傳詳明理氣作青囊心印與天玉經註二書藏於家其言河洛宗旨具有根蒂堪與家鮮能及也

王守暉字成廣深溪人郡增生以善畫名韓城王相國
杰視學浙東時特賞鑒之謂得虎頭元章三昧儀徵
阮元贈詩云記與韓城直石渠米顛真跡認模糊此
君潑墨知何似小米雲山得意圖蓋元曾與杰編石
渠墨寶故詩云云

朱家佐幼穎異好讀書家貧墾藝負販以供甘旨後父
歿未葬母病目力究青烏黃岐諸術兼通星卜尤精
醫施治多效長子宗邑諸生性孝友承父業習靈素
張孫劉李朱戴各家言無不潛心透澈遂以醫行世
親友有疾聞卽赴視多起沈痾一生謙恭和藹卒年

流寓

筆牀茶竈雨箬烟蓑自昔名流每耽山水驅車所至
傳為美談矣此邦地非孔道冠蓋所不至而奇巖秀
壑聞其勝者往往膏秣焉故或名賢講道依稀鹿洞
芳規或高士浮家彷彿志和雅致皆載筆者所神往
於其人也志流寓

謝靈運

呂祖謙

朱熹

陳亮

吳思齊

謝翱

黃潛

胡翰

方孝孺

蘇伯衡

危貞昉

王琥

楊守勤

文震孟

姚元凱

趙之璧

浦江縣志

卷之九

流寓

沈壽民

補遺

樓惠明 許宏綱

鄭剛中 曹開泰

朱震亨 徐秉文

東晉

謝靈運會稽人襲封康樂公累官侍中才思縱橫俊發

為江左第一每詩一首出都下貴賤莫不競寫尤工

書作文竟便自寫晉文帝稱為二寶元嘉五年陳疾

歸與族弟憲連共為山澤之遊常著木屐尋山陟嶺

必造幽峻數往來浦陽以詩相酬和據文選靈運答

惠連詩分別離西川西川即浦陽江惠連西陵遇風

獻康樂五章亦有昨發浦陽納之句又越斤竹澗有

詩其時浦水置邑然江已名浦陽矣

宋

呂祖謙字伯恭金華人學本家庭有中原文獻之傳長從胡憲遊又友張栻朱熹講索益精後舉進士復中博學宏詞科仕爲國史院編修官類輯皇朝文鑑百五十卷卒賜諡曰成少嘗讀書寶掌山九日登高至今登高山以之得名後朱元晦提舉浙東行部浦江適祖謙又至浦共講學月泉之上紹定知縣李知退建二賢祠祀梅節愍執禮及祖謙爲後學景行祖謙學以關洛爲宗充廣高明不墮文義浦江柳文肅貫吳貞文萊及宋文憲濂皆宗依之

浦江縣志

卷之九

流寓

二

朱熹字元晦婺源人年十八中進士第得延平李侗之傳紹明張程之學淳熙二年呂祖謙訪於寒泉精舍編次近思錄因送祖謙至鵝湖八年浙東大饑熹爲提舉浙東常平茶鹽事行部過浦江復會呂祖謙言士習馳騫於外勸學者觀孟子道性善及求放心兩章又言學術之弊不過兩說江西穎悟永康事功若不極力爭辨此道無由得明乃相與闡講正學於月泉之上其時知縣王霖龍因講業創爲書舍祀二賢於其堂元至元時陞爲書院

陳亮字同甫永康人才氣超邁與呂朱二賢同講學月

泉之上自謂研究理義原心於杪忽較禮於分寸於諸儒誠有愧焉若推倒一世之智勇拓開萬古之心胸差有一日之長已而以解頭薦因上五論不報歸而授徒浦江錢擴從之游擴平時爲文雖能非所願也惟欲學所當學者後擴改名廓中漕臺試早亡凌堅方坦皆浦人從之尤久嘗升堅堂拜其母尋詣闕上書孝宗赫然震動將擢之官大臣惡其直交沮之且兩以事繫大理堅嘗左右之亮稱凌堅與我休戚每相關幸上欲生亮竟得不死歸益勵學光宗卽位策進士亮對稱旨擢第一授建康判官未上卒端平

初諡文毅

吳思齊字子善處之麗水人祖深有奇才永康陳亮以女妻之遂來家永康思齊繇任子入官監臨安府新城稅鎖廳試漕司中舉上禮部不利後從常調爲嘉興縣丞會令以言去攝縣事縣獄多留繫思齊坐獄戶讞問凡株連疑罪悉簡出之死刑多平反尋監戶部犒賞酒庫未幾遷饒州節制司準備差遣常力詆賈似道留夢炎以骨鯁忤於時謫監南岳廟嬭翁方登知饒州以思齊賢每謀以自近思齊不樂依嬭勢避去與粵謝翱流寓浦江偕方鳳三人爲友宦游十

年田無半晦之增後值宋改物家益艱虞至無儋石
之儲有勸之仕者輒謝曰譬猶處子業已嫁矣雖凍
餓不能更二夫也天性直慤雖行人所難坦然不見
崖異心知有是非不知有毀譽禍福學者尊其行爭
師之方鳳評思齊之爲人如徐積陳師道君子不以
爲過

謝翺字皋羽福之長溪人試進士不中落魄漳泉二州
侗儻有大節會丞相文天祥開府延平長揖軍門署
諮事參軍聲重梁楚閒已復別去及宋亡天祥被執
以死翺悲不能禁隻影行浙水東逢山川池榭雲嵐

草木與所別處及其時號相類則徘徊顧盼失聲哭
聞者傷之其志汗漫超越浩不可禦視世閒事無足
當其意者獨嗜佳山水雁山鼎湖蛟門候濤沃州天
姥野霞碧雞四明金華洞天拽奇抉秘所至卽造游
錄游倦卽憩浦陽江源尋隱者方鳳吳思齊晝夜吟
詩不自休其詩直溯盛唐而上不作近代語文尤駢
拔峭勁雷電恍惚出入風雨中婺睦人士翕然從其
學年四十七瀕死屬其妻劉氏曰吾去鄉千里交游
惟方韶卿吳子善最親不翅兄弟慎收吾文及吾骨
投之已而鳳等果至與方幼學方燾馮桂芳翁登登

之弟衡葬顛子陵臺南以文稿殉無子其徒吳幼敏
祠之月泉書院

元

黃潛字晉卿其先浦江人祖琳始遷義烏祖墓尙在仙
華山南潛受業於方鳳又與吳萊柳貫友善歲時強
半在浦延祐二年第進士累官至侍讀學士知制誥
修宋遼金三史著作擅一時卒諡文獻當世以潛與
揭傒斯虞集柳貫稱儒林四傑

明

胡翰字仲申金華人嘗之浦從吳萊學古文辭甚久又

浦江縣志

卷之九

流寓

五

登許謙之門獲聞考亭相傳的緒持其所業就正於
柳貫貫以致違器之乃出遊元都徧交當世名卿遭
時不靖避地南華山中著書宋濂稱其奇邁卓越務
師古人出言簡奧不煩而動中繩墨如夏圭商敦望
而知非今世物也太祖定金陵遣使召見除衢州教
授乙酉奉旨纂修元史

方孝孺字希直一字希古甯海人以文謁宋太史濂於
翰林丁巳濂還浦江孝孺復執經館於東明山房庚
申秋歸省濂與孝孺惜別因敘其素有之善勛以遠
大之業且曰予所許者不獨在文後二十餘年當信

予爲知言辛酉濂徙蜀孝孺往省不獲爲文籲天願以己壽年輸委乞延師命及癸酉孝孺以漢中投徵爲鄉試考文道經夔州謁太史墓而卹其家建文初召爲翰林博士升侍講庚辰司會試時大制作皆出其手靖難師入以死殉國至十族夷滅不爲變距前太史惜別時適二十年云

蘇伯衡字平仲少警敏書過目卽成誦初習舉子業中年專肆力於古文明初召入史館纂修元史書成升國史院編修以瞶疾辭還嘗與宋濂遊東明山酬唱久寓邑之合溪與方孝孺有合溪唱和詩

浦江縣志

卷之九

流寓

六

危貞昉字孟陽台州臨海縣諸生通周易善唐體詩洪武時父陵川丞孝先坐法謫役浦江貞昉詣京上疏請代上從之貞昉乃解儒衣就役施施無難色而質體尪弱不勝負任之苦至浦七月病卒宋濂爲作危孝子傳

王琥字巨虎山陰人王守仁高第也博極羣書狷介絕俗周遊講學所至一方名士趨隅世稱方湖先生偕蔡宗克俱久寓義門張孟暄延館山堂書院編較山堂初學記凡有關風教處多所題咏

楊守勤字克之慈谿人少負奇才拓落不羈尤豪於酒

每倚醉揮灑數千言立就音律鏗鳴兼善四體書雅
與浦江張應沛友善館寓尙友臺日與泛觴吟詠諸
山川閒凡數歲所至幽谷古剎品題殆遍中萬歷丁
酉鄉薦第三人甲辰試禮部及廷對皆第一歷官右
庶子卒贈少詹事

文震孟長洲人五歲從父元發赴浦江令任署故有古
桂婆娑異他樹震孟初投章句時吟諷其下便有正
色立朝之志踰年習舉子藝父拈魯論中後生可畏
題課之震孟神思駿發出語不凡識者咸謂有臺閣
規模天啟壬戌廷對第一授脩撰以抗疏忤魏瑞竟
罷歸懷宗卽位召起拜侍讀歷官東閣大學士

浦江縣志

卷之九

流寓

七

姚元凱字穉高慈谿人好讀書善屬文游學越城聞浦
陽張一韶蓄書甚富遂假館仙華日誦萬言浦中英
彥多從之遊凡寓浦所著有經世雜錄四子標指功
過錄等書天啟辛酉領鄉薦第一

趙之璧字完玉金陵人博學工詞賦書得鍾太傅筆法
考授正字中書歲甲戌挈家武林厭其俗浮靡慕仙
華寶掌之勝遂家焉日與名公巨卿相往來不以裘
笠介意一日睡覺日門前有車蓋來迎殆將去矣急
沐浴更衣坦然而逝有頃復甦起坐索筆書秦淮漁

父四字以表其墓遂卒

國朝

沈壽民字眉生宛陵人明崇禎丙子復保舉賢良之制應天巡撫張國維以壽民應詔入都不就銓選三疏劾楊嗣昌熊文燦悞國疏入留中不報漳浦黃道周有吾輩愧死之歎未幾文燦以失律誅嗣昌以陷藩仰藥死而明亡矣南都立阮大鍼用事銜壽民劾楊疏尾有大鍼妄畫條陳鼓煽豐芑語誓必殺之矯詔出緹騎逮遂出亡變姓名爲王子雲迄南都亡而事解避跡於金華諸縣凡九年晚歲返宛陵康熙乙卯

浦江縣志

卷之九

流寓

八

五月卧疾命筆書曰以此心還天地以此身還父母以此學還孔孟如斯而已遂卒學者私謚爲貞文先生嘗寓浦江遊仙華月泉諸名勝訪謝皋羽遺跡與張一儒有唱酬詩

補遺

樓惠明字智遠東陽人以篤行聞立性貞固有道術居金華山舊有毒害自惠明居之無復辛螫之苦藏名匿迹人莫之知宋明帝召不至齊高帝徵又不至文惠太子在東宮苦延方至仍又辭歸俄自金華輕棹西下及就路回之豐安旬日之間唐寓之祆賊入城

塗地惟豐安獨全時人以爲有先覺齊武帝勅爲立

館

本南史隱逸
關康之傳

鄭剛中字亨仲金華人宋紹興二年進士官至四川宣撫副使事具宋史本傳宣和二年避睦寇之浦江授徒寓龍德寺前寺爲盜焚嘗作避盜錄序云避盜錄者方臘之亂所見於浦江者也一邑之間人材忠邪民情去就禍患之幾僭逆之勢凡係於風俗政事者皆因以見之傳之後人非特使知吾處世之難所遭如此至於行己蒞官除惡禁暴皆可取以爲鑑云剛中故寒士也邑人石範家素貴盛其大母杜氏有賢

浦江縣志

卷之九

流寓

九

行以女歸之剛中卒爲名臣謚忠愍

朱震亨字彥修義烏丹溪人爲許謙高弟壯時以母病脾乃習醫卒得劉守真之秘於羅知悌浦陽戴原禮從之游盡得其所傳震亨嘗至浦之麟溪爲鄭氏篋定家範其爲人孤高如鶴挺然不羣雙目有大小輪日出乃見毅然之色不可陵犯而清明坦夷不事表暴接物和粹人皆樂親之其學則稽諸載籍一以躬行爲本其文則以理爲宗居室服御敦尚儉樸藜藿糗飯安之若素惟喜聞人之善隨聞卽錄用爲世勸年七十八而卒世稱丹溪先生

許宏綱號少微東陽人萬曆庚辰進士官至南京兵部
尚書弱冠時負笈來浦從葉化醅先生學化醅長於
春秋宏綱盡得其傳貴後爲作荷塘小草詩序稱其
詩溫厚和平云

新增

曹開泰號珩圃金華人歲貢生博學好古尤精於詩自
成一家言嘉慶乙丑掌教東明書院作勸學篇以勵
子弟言皆切要擁臯比者十五年提唱風雅一時風
氣爲之不變

節錄宜絃堂詩鈔
序及東明書院志

徐秉文字敬亭天台人乾隆乙未進士任廣西思恩縣

浦江縣志

卷之九

流寓

十

知縣歸家後麟溪鄭氏聘主東明書院作勸學箴序
畧云淵穎吳先生爲東明師嗣以宋文憲公上承道
派下啟來茲而吾鄉遜志方先生負笈來從師友淵
源本主敬之心博涉經史是以歷久逾光昭乎千載
吾願義門子孫永言孝思毋忝前人而遠方從遊有
如方正學其人者毅然自立則諸生當爲先賢所心
許必爲國家有用之材矣作勵志立品讀古應制四
箴以勗之復主浦陽講席其教一如東明後學多所

成立云

節錄東明
書院志

